

# Wël Jethu cï Marko göt

## Wet nom

Wël path kœc cœl amit puõth, kek ye kœc cï gam piõœc rin Jethu cï Marko göt, aaye jœœk wet cï yen ye lueel œlä, “Wet Puõth Yam rin Jethu raan cï lœc ku dœc, Wën Nhialic.” Jethu acï nyuœœth lœn ye yen raan œ luui ku ala riel. Rielde aye tiŋ piõœcde yic, ku rielden yen jakrec cuœp wei kœc gup, ku lœn yen adumuõœm cï looi pœl piny. Jethu œ ye jam rienke lœn yen ke Manh Nhialic cï ben, ku bï rot gam bï nœk, bï kœc poth la pan mac.

Marko acï wël Jethu göt dhœl la cœk, cïn yic lueth. Ku acï kœk cï Jethu looi teet yiic apath, ku aacie wël cï lueel ku kœk cï piõœc kek cï göt kepec. Yeen aya, acï wël kœk cït maany kaŋ göt rin Joon raan kœc muœœc nhïim, ku lœn cï Jethu them œ jœœrac. Ku get kœk cï Jethu looi, cïmœn piõœc ku kœ ye yen kœc tuany kony bik pial. Tewœn cï Jethu kœc piõœc, ke kœc cï wetde gam, aake cï kœk ke ye looi ya deet yiic, ku kœc ke man Jethu aaci puõth ben riœœk apeï. Wël abek cï Marko göt athœr yic ciœœn, aa kœn karou cï rœt looi tœnœ Jethu wœœr pinynhom nïn kadhorou thuœnde nom tueŋ, kœ cï kœc man ye ye dœm ku pieet tim cï riïu kœu bï thou, ku kœ cï yen ben pïr ku jœt rot raŋ yic.

Ala kœn karou, wël Jethu cï Marko göt thïk kecœk, aye tak kœc juœc cïet ye raan det yen met ke thïn.

## Kœk tœ thïn

Jœk cœk Wël Puõth Yam 1:1-13

Piõœc œ Jethu Galilia 1:14-9:50

Jœl Jethu Galilia bï la Jeruthalem 10:1-52

Nïn ciœœn kadhorou thuœnde nom tueŋ 11:1-15:47

Jethu acï rot jœt thou yic 16:1-8

Jethu acï rot nyuœœth ku jœt nhial 16:9-20

## Piõœc Joon raan kœc muœœc nhïim

(Mt 3:1-12; Lk 3:1-18; Jn 1:19-28)

**1** <sup>1</sup> Wet kœnœ œ Wet Puõth Yam rin Jethu raan cï lœc ku dœc Wën Nhialic.

<sup>2-4</sup> Wœœr kœc Jethu piõœcde guœ jœœk Joon raan kœc muœœc nhïim œci piõœcde jœœk roor te cïi ceŋ. Ku wœœt kœc œlä, “Pœlkœ luœi kœrec, ku calkœ rœt aa muœc nhïim rin bï adumuõœmkun pœl piny tœnœ we.”

Ku tueŋ œci Ithaya raan kœk Nhialic tiŋ göt ku lueel œlä,

“Te ler yïn, ŋen abï raan tœk kam kœc kœkkïe lueel cœl alœk kœc, bik yïin tiit.”

Ku ben Nhialic lueel akœl det œlä,

“Raan kœkkïe tiŋ abï kœ cït

lœœr gut yic bï yen kœc caal tede œ rot, ku lœk keek œlä,

‘Guierkœ dhœl œ Beny, luœikœ dhœlke bik la cœk.’ ”

Tœen, go Joon kœc aa piõœc tede œ rot.

Nawœn gamkœ wetde ke muœœc nhïim, ku ye lœk ke œlä,

“Pœlkœ luœi adumuõœm ku calkœ rœt aa muœc nhïim,

ŋen abï Nhialic adumuõœmkun pœl piny.”

<sup>5</sup> Kœc juœc pan Judia ku gen Jeruthalem aaci wet tœnœ ye, ku lekkœ adumuõœmken, ku jœl Joon ke muœœc nhïim wœr Jordan.

<sup>6</sup> Joon œ ye ceŋ aleth cï looi nhïem thœrœl, ku ceŋ gœœp ŋen aŋum, ku mïith ke ye cam aa kœryœm ku kiœc.

<sup>7</sup> Ku œ ye lœk kœc, “Raan bï ben œ nïn thiœkkœ adït ku aril tœnœ ŋa apeï. ŋen acïi thœŋ kek ye, nadœ ke ŋa cœk guŋ ba warke dœk. <sup>8</sup> Wek aaya muœœc nhïim piï, ku ŋeen abï we muœœc nhïim Wœi Nhialic.”

Jethu acï muœœc nom ku acï jœœrac them

(Mt 3:13-4:11; Lk 3:21-22; 4:1-13)

<sup>9</sup> Ye nïnkœ yiic ke Jethu bœ gen Nadharet tœ pan Galilia tœnœ Joon, ku muœœc Joon nom wœr Jordan.

<sup>10</sup> Tewœn bï Jethu bei wïir, ke tiŋ nhial ke liep rot ku tiŋ Wœi Nhialic ke bœ ŋenhom ke cït kuur œ dit. <sup>11</sup> Ku piŋ rœl Nhialic nhial ke lueel, “Yïn œ manhdiœ nhiaar, ŋen amit puœu ke yï.”

<sup>12</sup> Kaam awën ke Wëi Nhialic la yeguöp ku yeth roor te cii ceñ. <sup>13</sup> Ku jol Jethu rëer roor te cii ceñ nin thiärñuan kek lääi, ku ë ye jöñrac them. Ku atuuc nhial aaci ben ku konykë.

Jethu acä amei kañuan cööl

(Mt 4:12-22; Lk 4:14-15; 5:1-11)

<sup>14</sup> Wën cï Joon döm, ke Jethu dhuk pan Galilia ku le kóc piöcc Wet Puöth Yam. <sup>15</sup> Ke ye lueel, “Aköl la cök aci ben, bääny Nhialic athiök! Pälkë luoi käreec ku gamkë Wet Puöth Yam.”

<sup>16</sup> Tewën kueny Jethu wär Galilia you, ke tiñ amei karou, Thaimon kek Andria wämënh ke döm rec buoi. <sup>17</sup> Go Jethu lek ke, “Biathkë ya ku wek aba piöcc bäk kóc aa döm.” <sup>18</sup> Gokë biaiken nyääñ piny nyin yic ku buöthkë Jethu.

<sup>19</sup> Wën le Jethu tueñ tethin-nyoot, ke tiñ Jemith wën Dhubedi ku Joon wämënh ke tö riäi yic ke guir biaiken. <sup>20</sup> Go Jethu ke cööl bik jäl ke ye. Gokë wunden Dhubedi nyääñ piny riäi yic kek kóc cik riop, ku buöthkë Jethu.

Jethu ala riel yen jöñrac cuop wei

(Lk 4:31-37)

<sup>21</sup> Gokë la Kapernaum. Nawën aköl cii kóc Itharel ye luui, ke Jethu la te ye kóc Itharel kenhiim mat thin ku piöcc. <sup>22</sup> Go kóc gai ë piöccde, rin aaci piöcc apath ke la riel Nhialic, cii thöñ kek kacken piöcc ë lööñ.

<sup>23</sup> Kaam thiin awën, ke raan tö kam kóc ten amat kóc Itharel, ke la guöp jöñrac, jam ke cï yeröl jot apeï ëlä, <sup>24</sup> “Yeñö wic tënë yo Jethu raan gen Nadharet? Ca ben ba yo ben rac? Yin añiec, yin ë raan puöth la cök bö tënë Nhialic.”

<sup>25</sup> Go Jethu jöñrac duöm thok piny, “Biet, ku bäär bei yeguöp!”

<sup>26</sup> Go jöñrac mony awën lath ku wit piny, ku bii bei yeguöp ke dhiau. <sup>27</sup> Go kóc gai apeï ku thiëckë röt, “Yeñö kënë? Ye piöcc yam kek riel Nhialic. Mony kënë ala riel ye yen jak yöök ku gamkë wetde aya!”

<sup>28</sup> Këya, lec ku piathde aaci guo thiëi piny pan Galilia ëbën.

Jethu aci kóc tuany kony

(Mt 8:14-17; Lk 4:32-41)

<sup>29</sup> Kaam awën jiël kek ten amat kóc Itharel, ke Jethu ku Jemith ku Joon la pan yi Thaimon kek Andria. <sup>30</sup> Nawën yeetkë baai ke yök man tiñ Thaimon piiny ke cï töc, ke cï juäi göök. Gokë lek Jethu. <sup>31</sup> Go Jethu la tënë ye ku döm cin ku döcc ku kony bi rot jot. Go juäi guo päl piny, ku bii miëth tënë ke.

<sup>32</sup> Wën cï aköl lööny piny, ke kóc guëer tënë Jethu kek kóc tuany, ku kóc la gup jakrec. <sup>33</sup> Ku jol kóc juëc geeu kenhiim kut yöt thok. <sup>34</sup> Go Jethu kóc juëc awën la gup tueny juëc cï beei tënë ye kony bik pial. Ku cop jakrec juëc wei kóc gup. Ku cii jakrec päl bik jam rin ñic kek ye.

Jethu ë kóc Galilia lek wet Nhialic

(Lk 4:42-44)

<sup>35</sup> Nayon nhiäk riel, akëc piny bak, ke Jethu jot rot ku jiël baai. Ku le tede ë rot bi la röök. <sup>36</sup> Go Thaimon kek kóc kök Jethu buöth bik la wic. <sup>37</sup> Nawën lek yök, ke luelkë, “Raan ëbën awic yi.”

<sup>38</sup> Go Jethu beer, “Lokku beei kök tö tueñ yiic, ku ba la piöcc thin aya, yen ee kën bii yen.”

<sup>39</sup> Ku jol Jethu pan Galilia kuany yic ke piöcc yonken amat yiic, ku cop jakrec wei.

Jethu acä atuet cöl apuol

(Mt 8:1-4; Lk 5:12-16)

<sup>40</sup> Tewën kueny Jethu beei yiic ke piöcc, ke raan cï tuet bö tënë ye, ku gut yenhiol piny ku leñ, “Añiec alëu ba ya kony beny, ba pial. Kony ya.”

<sup>41</sup> Go Jethu ñääñ nyinde tiñ ku wic bi kony. Ku jot yecin ku goot ku lueel, “Awiëc, piaalë!” <sup>42</sup> Kaam thiin awën, ke tuet jiël. <sup>43</sup> Ku jol Jethu cöl aloc jäl ku thon apeï ëlä, <sup>44</sup> “Duk kënë la lek raan det. Loo ku nyuöth rot raan käk Nhialic bi caath, ku juar kån cit te ye löñ Mothith ye lueel thin, bi kóc ëbën ñic lon cï yin pial.”

<sup>45</sup> Go jäl ku not la kë cï rot looi lek raan ëbën. Ku thiëi wet piny abi Jethu cii ben la geeu ke ñic. Ku ye rëer tede ë rot te cin yic kóc ë rëer thin. Go kóc juëc not ke ye ben tënë ye baai yic ëbën.

## Jethu aci raan ci ruai kony

(Mt 9:1-8; Lk 5:17-26)

**2**<sup>1</sup> Nin juéc cök, ke Jethu ben dhuk Kapernaum. Go guo piñ lon ci yen dhuk baai. <sup>2</sup>Go koc juéc wet téné ye abi cien te lääu, ye cök cak la piny yööt agut yöt thok ayeer. Ku Jethu ë piöoc koc Wël Puoth Yam ë Nhialic. <sup>3</sup>Tewën ke raan aduany ke ket koc kañuan biï téné Jethu. <sup>4</sup>Nawën cin te yeth kek ye téné Jethu, rin ci yöt thok thiän koc, gokë la ku ñanykë yöt nom lon awën rëer Jethu thin. Ku lueeckë raan aduany piny yenhom. <sup>5</sup>Tewën tiñ Jethu gamdit tö ke ke, ke lueel téné mony aduany, “Manhdie, adumuöömku aaci päl piny.”

<sup>6</sup>Go koc piöoc löön koc Itharel ke tö thin, jäl tak ku luelkë kepuöth, <sup>7</sup>“Yeñö ye mony kënë jam kälä. Adhäl Nhialic! Yeña adumuööm päl piny? Ciet ë Nhialic ë rot.”

<sup>8</sup>Go Jethu käk yekë tak guo ñic ku lueel, “Yeñö ye wek ye tak lon lueel yen lueth? <sup>9</sup>Ye kënen ril yic ë käckä yiic ba lueel téné raan aduany, ‘Adumuöömku aaci päl piny,’ Tedë ke lueel, ‘Jot rot ku löm biöñdu ku cathë?’ <sup>10</sup>Aba nyuöth we emën lon Manh Raan ala riel pinyhom ba adumuööm päl piny.” Ku lueel téné mony aduany, <sup>11</sup>“Alëk yi, jot rot ku kuany biöñdu ku löor baai.”

<sup>12</sup>Go rot jot ku kuany biöñde ke deei kek ëbën. Kënë aci raan ëbën göi. Ku leckë Nhialic ku luelkë, “Yok aakëc këcit këne kañ tiñ.”

## Jethu aci Lebï cöl

(Mt 9:9-13; Lk 5:27-32)

<sup>13</sup>Nawën ke Jethu ben dhuk wär Galilia you. Go koc juéc apeï ben téné ye. Goke piöoc. <sup>14</sup>Wën ben yen la tueñ ke dhuk geeu, ke tiñ raan ajuër kut cöl Lebï Alpawuth ke reer teden luoi. Go Jethu lek ye, “Buöth ya.” Go rot jot ku buöth.

<sup>15</sup>Tewën mith Jethu pan Lebï, kek koc juéc ajuër kut, ku koc kök la gup anyon, ke kacken ye buöth ku koc juéc kök ye buöth aya, aake mith kek ye ë tök.<sup>a</sup> <sup>16</sup>Wën tiñ koc piöoc löön, koc akut Parathï ye, ke mith kek koc la gup adumuööm ku koc ajuër kut, gokë kacken ye buöth thiëc, “Yeñö ye banydun mith kek koc ajuër kut ku koc kök la gup adumuööm?”

<sup>17</sup>Wën piñ Jethu wet këne, go lek ke, “Acie koc puöl kek akiim wic, aa koc tuany. Yen akëc ben ba koc path ben cöl, aa koc la gup adumuööm.”

## Wet löñ thek ë miëth

(Mt 9:14-17; Lk 5:33-39)

<sup>18</sup>Ye ninkä, koc Joon raan koc muöc nhïim buöth ku jöl aa Parathï, aake la nin ye kek thek bik ciï mith. Go koc kök ben téné Jethu ku thiëckë, “Yok koc abiöth Parathï ku abiöth Joon yok aa thek, ku yiin ku kacku wek aacie thek, yeñö?”

<sup>19</sup>Go Jethu beer ku lueel, “Yakë wic bi koc ci ben ruääi yic rëer ke ciï mith? Acie tede! Na reer raan thiëk ke ke, ka cik loi këya. <sup>20</sup>Aköl bi athiëc döm ku nyeei keyiic, yen aköl bi kek thek.

<sup>21</sup>“Acin raan alanh thin ë yam buöpp alanh theer köu, rin alanh thiin yam abi rot rot ku abi abañ alanh theer ret bei. <sup>22</sup>Ku acin raan muön abiëc ë yam puök töny theer yic, rin muön abiëc abi töny puöt yic, ku riääk muön abiëc kek töny kedhie. Ku acii bi ya këya, muön abiëc ë yam adhil puök töny yam yic.”

## Jethu aci kuc löñ aköl löñ koc Itharel

(Mt 12:18; Lk 6:1-5)

<sup>23</sup>Nayön aköl ciï koc Itharel ye luui, ke Jethu kek kacken ye buöth aake cath ke kuany dhël yic kam ë dum. Go koc Jethu buöth rap lek cam dhoñ. <sup>24</sup>Go Parathï ke cath ke ke Jethu thiëc, “Yeñö ye kacku luui aköl ci löñdan Itharel pëen bi koc ciï ye luui thin?”

<sup>25</sup>Go Jethu beer, “Keckë kë ci Debit looi wätheer kañ kueen? Wäär nek cök ye kek kacken ke cath ke ye, ku wickë miëth camkë, <sup>26</sup>go la luan Nhialic ku ciem ayum ë yath ci tööu téné Nhialic, këne aloi rot wäär ye Abiathär raandit käk Nhialic. Ayum këne ee raan käk Nhialic ë rot yen ë ye cam. Ku yeen aci Debit ben cam, ku gem abak téné kacken awën cath kek ye. Këya, acin këreec ci kackie looi aya.”

<sup>27</sup>Ku jöl Jethu lek ke, “Aköl löñ aci looi ke ye aköl löñ path téné raan. Akëc looi bi koc röt aa bañ thin. <sup>28</sup>Këya, Manh Raan ë beny këriëc ëbën agut aköl ë löñ.”

<sup>a</sup>2:15Lebï acöl Matheo aya.

## Jethu aci mony ci cin ruai kony

(Mt 12:9-14; Lk 6:6-11)

**3**<sup>1</sup> Nayon aköl det, aköl cii koc Itharel ye luui, ke Jethu la ten amat koc Itharel, ku mony ci cin ruai ë tö thïn. <sup>2</sup> Ku koc kök aake tö thïn, ku ë wickë bik tiñ lon bi Jethu mony kënë kony bik la luom, rin ci yen ye kony aköl cii koc ye luui. <sup>3</sup> Wën ñic Jethu kë tö kepuöth, ke lëk mony awën ci cin ruai, “Jot rot ku bäär tuen ten koc nhïim.” <sup>4</sup> Ku lëk Jethu Parathi ëlä, “Wek koc ñoot nhïim löön theer yic, ye kënen yic lëu bi looi aköl cii koc ye luui, ye këpath aye kërac, bi raan kony bi pir, kua pel wei bi thou?”

Gokë biet ëbën. <sup>5</sup> Go Jethu ke dot ke ci puöu riääk apei, rin ñic kek yic ku cik luel. Ku lëk mony awën ci cin ruai, “Nyoth yicin.” Go yecin nyooth. Go cieende piath. <sup>6</sup> Go Parathi, koc wic ye bi Jethu nök jäl ten amat ku lek tënë koc Yërot. Ku lek mat ke ke te bi kek Jethu näk thïn.

## Jethu ee jakrec cuop wei koc gup

<sup>7</sup> Go Jethu jäl kek kocken ye buoöth ku lek wär Galilia köu. Go koc juëc pan Galilia ke buoöth. <sup>8</sup> Wën piñ kek käjuëc ye Jethu looi, ke koc juëc apei bö tënë ye pan Judia, ku gen Jeruthalem ku Idumie, ku jol aa beei tö wär Jordan köu, ayi gen Tire ku Thidon. <sup>9</sup> Go Jethu lek kocken ye buoöth bik riäi guiir tënë ye bi yen la thïn, bik cii ber piny, <sup>10</sup> rin Jethu ëci koc juëc tuany kony. Go koc juëc kök tuany wic bik la tënë ye bik la goot. <sup>11</sup> Na tiñ koc la gup jakrec ë ke cuet röt piny yenhom ku dhieükë, “Yin ee Manh Nhialic.”

<sup>12</sup> Go Jethu jakrec yöök bik cii nyooth.

## Jethu acä atuuc kathiaär ku rou kuany

(Mt 10:1-4; Lk 6:12-16)

<sup>13</sup> Go Jethu kocken wic cöl ku jiël ke ke, ku lek gat nhïim te cii ceñ. Wën ci kek yet ten awën, <sup>14</sup> ke kuëny raan thiäär ku rou bei koc yiic. Ku ciëk ke ke cöl atuuc ku lëk ke, “Wek aca kuany bäk rëer ke ya. Ku wek aba ya tuöc ayeer bäk wetdie aa la piöc. <sup>15</sup> Ku wek aabi la riel bäk jakrec aa cuop wei koc gup.”

<sup>16</sup> Koc ke ci Jethu kuany bik ya atuöcke aayi, Thaimon (ci Jethu ben cäk ke cöl Piter.) <sup>17</sup> Jemith Dhubedi kek wämënh koor cöl Joon (kek aaci Jethu cäk ke cöl Boanergeth, ku wetde yic koc ë mär deñ.)<sup>b</sup> <sup>18</sup> Ku Andria, Pilipo, Bartholomeo, Matheo, (cöl Lebï) Thomath, Jemith wën Alpawuth, Thadawuth, Thaimon, <sup>19</sup> ku jol a Judath Ithkariöt, raan wäär ci Jethu ben luom bi döm.

## Jethu aye yöök lon le yen guöp jongrac

(Mt 12:22-32; Lk 11:14-23; 12:10)

<sup>20</sup> Nawën ke Jethu dhuk Kapernaum. Go koc juëc apei ben buoöth abi cien te cok yen nhom lääu kek kacke bik mith. <sup>21</sup> Nawën piñ koc ruäai kek Jethu lon ye koc rëer kek ye ye lueel, lon cii yen nhom path, gokë la nyaai.

<sup>22</sup> Ku ëci koc kök piöc löön Itharel bö Jeruthalem lueel, “Ala guöp riel Beldhebul. Ee yen beny jakrec, yen ye yiëk riel bi ke aa cuop wei.”

<sup>23</sup> Go Jethu ke yöök, ku thöön wet ëlä, “Ye jongrac jong rëec det cuop wei këdë. <sup>24</sup> Na tek koc paan tök keyiic ku therkë kamken, ke pan kënë abi riääk. <sup>25</sup> Na tuum dhiënh tök yenhom aya ku therkë kamken ë röt, ke dhiënh kënë abi weer aya. <sup>26</sup> Këya, na tek jakrec keyiic ku therkë kamken, ka thök.

<sup>27</sup> “Acin raan lëu ye bi yön raan ril dhoñ ku nyeei kække, akon raan ril kënë döm ku der, ku jol käk tö baai nyaai.

<sup>28</sup> “Wek aa lek yic lon nadë adumuööm, ku kërec yekë ke looi, ku käk yekë lueel, aa lëu bi ke päl piny ëbën tënë koc. <sup>29</sup> Ku na ye raan Wëi Nhialic yöök lon ye yen jongrac, ka adumuöömke aaci kon päl piny akölrüëc ëbën.” <sup>30</sup> Ee lueel Jethu këlä ë rin ci koc kök ye lueel, “Ka la guöp jakrec.”

## Man Jethu ku wämäthakën aaci Jethu nyaai

(Mt 12:46-50; Lk 8:9-21)

<sup>31</sup> Go man Jethu kek wämäthakën ë Jethu ben ku keeckë ayeer ku tockë raan bi Jethu la cöl. <sup>32</sup> Go koc ke rëer, ke ci ye gööm lek ye, “Moor ku wämäthakui aatö ayeer, ku aa wic yi.”

<sup>33</sup> Go Jethu beer, “Yeña ë ma ku wämäthakäi? <sup>34</sup> Ku kë wiëc bäk ñic, koc rëer kek ya aa nhiaar, aa cit paan ë ma. <sup>35</sup> Kuat raan wet Nhialic looi yen ë wämäath, ku nyankäi ku ma.”

<sup>b</sup>3:17Ee duer thöñ kek tuöc puöu.

## Kääñ dom path ku dom rac

(Mt 13:1-9; Lk 8:4-8)

**4**<sup>1</sup> Go Jethu ben piöoc wär Galilia you. Nawën le koc juëc apeï gööm, ke la riäi yic ë piu thook ku nyuuc thïn, ku jöl koc ëbën nyuc piiny ë piu thook ayeer. <sup>2</sup> Ku jöl Jethu keñ aa lueel bi yen koc piöoc käjuëc, ku lek ke.

<sup>3</sup> “Pieñkë! Raan puör ëci la dom bi la pur. <sup>4</sup> Ke wën yen rap weer dom yic, ke köth abek lööny dhël yic. Go diet ben ku tetkë ke. <sup>5</sup> Ku lööny köth kök alal nom te koor tiop thïn. Gokë guo cil. <sup>6</sup> Nawën la aköl ruel apeï ke rap awën go yom, ku rieëukë rin këc meiken yet piny apath. <sup>7</sup> Ku lööny köth abek te ye tiim la kuöth cil thïn, na la tiim juäk ke dec rap ku cik lok apath. <sup>8</sup> Ku lööny köth kök tiom path yic, ku ciilkë apath ku diitkë ku lokkë apath. Rap abek aake ci luok ke thoi nhïim, ku kök ke thöön röt, ku rap kök ke dit nhïim.”

<sup>9</sup> Ku wit Jethu löñde ëlä, “Pieñkë te le wek yith.”

## Wet thööth ë kääñ

(Mt 13:10-17; Lk 8:9-10)

<sup>10</sup> Nawën ci koc juëc jäl, go atuöocke kathiaär ku rou, ku koc ke ci döñ kek ye, thiëc bi keñ teet yiic tënë ke. <sup>11</sup> Go lek ke, “Wek aaci nyuöth kë ci rot moony ë bääny Nhialic yic, ku koc kök këc gam aabi käñ ñic te lek ke keñ, <sup>12</sup> këya, rin na cok alon ye köckä daai, ka cii käñ bi tiñ. Ku na cok alon ye kek wet piñ, ka cik bi deet yic. Na ke bi röt waar, ñuöt aa käñ tiñ ku detkë keyiic. Ku ñuöt aaci röt thön Nhialic, ku pel wet piny tënë ke.”

## Jethu aci kääñ raan puör teet yic

(Mt 13:18-23; Lk 8:11-15)

<sup>13</sup> Go Jethu lek ke, “Na këckë kääñ këñe deet yic ke wek aaci keñ kök bi deet yiic. <sup>14</sup> Köth ci com aa cit wetdien ya piöoc tënë we. <sup>15</sup> Koc kök aa cit köth ci lööny dhël yic, ye diet ke tet. Te piñ kek wet Nhialic, ke jöñrac bö ku nyëei wet awën kepuöth ku merkë nhïim wet ë Nhialic. <sup>16</sup> Koc kök aya aa cit köth ci lööny alal la nom tiom koor ye rap guo yom thïn, rin këc meiken yet piny. Ku koc kök aaci köth ci com alal nom, aa löñ Nhialic gam nyin yic ke mit puöth. <sup>17</sup> Ku aacie kepuöth ye deet, aa wet Nhialic guo wai wei te looi aliäap rot, ku te yon ke rin wet Nhialic. <sup>18</sup> Koc kök aya aa cit köth ci lööny te ye tiim la kuöth cil thïn, keek aa wet Nhialic piñ, <sup>19</sup> ku käjuëc ke diir, rin pir pinynhom ë ten, nhier jieek, ku käpuöth yekë wic aa ben thïn, ku reckë löñ Nhialic kepuöth. <sup>20</sup> Ku koc kök aa cit köth ci puur tiom path yic, keek aa löñ Nhialic piñ ku gamkë apeï, ku käjuëc path aaye yök tënë ke, cimën rap ci ñiec luok ke thoi nhïim, ku rap kök ke thöön kenhiim ku kök ke dit nhïim.”

## Kääñ mermer

(Lk 8:16-18)

<sup>21</sup> Ku ben ke thiëc, “Le raan ci mermer kañ yäth yöt ku kum nyin, nadë ke tæu agen töc cok, cie tööu yöt ciel yic? <sup>22</sup> Kuat kë ci thiaan, añot bi rot nyuöth, ku wet Nhialic añot bik piöoc. <sup>23</sup> Pieñkë, te le wek yith!”

## Kääñ te ye käñ thöön thïn

<sup>24</sup> Ku ben lek ke ëlä, “Te ye wek koc kök luoi thïn yen ë te bi Nhialic we luoi thïn aya. Detkë käk yakë ke piñ! <sup>25</sup> Rin raan la këdän abi ben muoc, ku na ye raan cin këdän, ke këthiin ye tak lon tö yen tënë ye, abi nyaai aya.”

## Jethu aci kääñ lueel rin wet Nhialic

<sup>26</sup> Ku la Jethu tueñ ku lueel, “Bääny Nhialic ë duer thön kek këñe. Monytui ëci köth weer dom yic. <sup>27</sup> Ee rëer akölaköl ku köth awën ci com aa la tueñ ke cil ë röt, ke pir ku diitkë ku akuc këñ ë ke looi këya. <sup>28</sup> Köth ëbën aa cil piiny tiop yic. Käu ë kañ lou ku bi yieny tök bei, ku jöl la tueñ ke dit agut te bi yen deer ku yeer ku lok. <sup>29</sup> Ku te ci kek luok aaye tem rin ci ten tëntëm ben.”

## Kääñ käu koor nyin ye tiemde dit apeï

(Mt 13:31-32, 34; Lk 13:18-19)

<sup>30</sup> Ku ben lueel, “Yeñö buk thöñ bääny Nhialic? Ye kääñ piath nõ buk thöñ ye? <sup>31</sup> Bääny ë Nhialic acit käu koor nyin cï raan com duömde. <sup>32</sup> Ku na le dit ka la nhial ke loi kër ku yith dit apeï, abi diet yöötken aa yik thïn.”

<sup>33</sup> Jethu aci Wet Puoth Yam piöoc tënë koc ë keñ cit keñkä. Aake ci lek käjuëc lëukë bik ke deet yiic. <sup>34</sup> Ee ye koc jääm ë keñ te piöoc yen koc, ku na ye yeen ë rot kek kocken ye buoöth, ka ye tet keriëec ëbën yiic.

## Jethu aci yom col akääc

(Mt 8:23-27; Lk 8:22-250)

<sup>35</sup> Na aköl det yontheëi, ke lek Jethu atuöocke, “Lok teemku wär alontui.” <sup>36</sup> Gokë koc kök nyääñ piny, ku lek riän awën rëer Jethu thïn yic, ku tëmke agut Jethu. Ku riëth kök ke tö thïn aaci tem aya. <sup>37</sup> Kaam thiin awën ke yomdit apeï jot rot, ku jot atiaktiak rot abi riäi duer thiän ë piu. <sup>38</sup> Tewën looi kënë rot, Jethu ë nin riäi yic ciëen, ke ci yenhom kan. Gokë puöoc ku luelkë, “Bänyda! Yok aa muou, cii dieer ë yo?”

<sup>39</sup> Go Jethu rot jot ku rël yom, “Lo dil!” Ku rël atiaktiak, “Kääc!” Go yom köoc ku le dil. <sup>40</sup> Ku thiëec ke, “Yeñö riöoc wek ciet we bi mou? Cäk njic lon bi yen we kony?”

<sup>41</sup> Gokë nhïim la cöt rieldit cit kënë ku jjeemkë kamken, “Ye raan yindë kënë? Na cok a yom ku atiaktiak ë ke piñ wetde!”

## Jethu aci raan la guöp jakrec kony

(Mt 8:28-34; Lk 8:26-39)

**5** <sup>1</sup> Gokë wär Galilia teem ku lek te col Jeratha. <sup>2</sup> Kaam wën keec Jethu piny riäi yic, ke tiñ mony la guöp jakrec, ke bö bei reñ nhïim. <sup>3</sup> Mony kënë ë ye rëer reñ nhïim, ku acin raan ye lëu bi reek. <sup>4</sup> Ee ye reek cok ku cin arak juëc, ku not ke tueny, ku dhoñ luöñ köth yecök. Ee ril apeï, acin raan ye lëu bi reek. <sup>5</sup> Aköl ku wëer thok ëbën, ee ye cool ku ruu kat reñ nhïim, ke looi duöot ku ye rot deeny aleel bi rot nöc.

<sup>6</sup> Wën tiñ yen Jethu temec, ke lor ku cuet rot piny yenhom, <sup>7-8</sup> ku lueel Jethu, “Jöñrac, bäär bei ë mony kënë guöp.” Go kieeu looi apeï, “Jethu Wën Madhöl, yeñö wic ba looi tënë ya? Yin alän ë rin Nhialic duk ya tëm awuöc.”

<sup>9</sup> Go Jethu jäl thiëec, “Col yi ña?” Go beer, “Yen aa kut rin yok ajuëc.” <sup>10</sup> Ku jol mony kënë Jethu ya löñ bi jakrec cii cop wei teden rëer kek thïn.

<sup>11</sup> Ku duut dir baai ë nyuäth got cok ë ten awën. <sup>12</sup> Go jakrec Jethu löñ, “Tuöoc yo ë dirkä gup, ku col yo aa lur keyiic.” <sup>13</sup> Goke puöl, ku jol jakrec ben bei mony awën guöp ku lek dir gup. Go duut dieër, kecit tiim karou riñ agör yic, ku thootkë wiir ku moukë ëbën.

<sup>14</sup> Go röör ke biöök dir kat, ku lek kë ci rot looi lueel tënë koc reer geeu, ku koc tö bæei yiic. Go koc ëbën jal wet bik kë ci rot looi la tiñ. <sup>15</sup> Nawën lek yet tënë Jethu, ke yök mony wäär la guöp jakrec ke reer, ke ceñ alath, ke la nhom cok. Gokë riöoc. <sup>16</sup> Go koc ke ci kënë ci rot looi tënë mony awën ku dir tiñ, la lek koc kök.

<sup>17</sup> Ku wën piñ koc baai ë wet kënë ë ke riöc, ku lek tënë Jethu ku länjkë bi jäl panden.

<sup>18</sup> Tewën le Jethu riäi yic, go mony wën ci Jethu jöñrac col ajiël yeguöp ben tënë Jethu, ku leñ bi cath kek ye.

<sup>19</sup> Go Jethu jai, ku lek ye, “Löör baai tënë kacku ku lek ke käjuëc ci Beny looi tënë yi, ku tepuoth ci luöi yi.”

<sup>20</sup> Go jäl ku le panden Dekapolith la yic geu thiäär. Ku kueny keyiic ëbën ke ye koc lek käk ci Jethu looi tënë ye. Go koc gäi.

## Jethu aci tik kony ku col nya aben pir

(Mt 9:18-26; Lk 8:40-56)

<sup>21</sup> Wën ci Jethu ben tem riäi bi dhuk Kapernaum, ke koc juëc apeï bö tënë ye wär you. <sup>22</sup> Kaam wën ke raan col Jariöth, beny ten amat koc Itharel bö aya. Nawën tiñ Jethu, ke cuet rot piny yecök. <sup>23</sup> Ku leñ, “Nyandien thin koor aci dhal apeï, athou. Bäär ba yicin la tääu yenhom bi pial.”

<sup>24</sup> Go Jethu gam ku lööny dhöl kek ye. Ku buoöth koc juëc ke, ke cik kum apeï.

<sup>25</sup> Ku tiñ tuany, cii thekde köu ye teem ruöön thiäär ku rou, ee tö koc yiic, <sup>26</sup> ku yeen ëci wëeu juëc gam akim rin bi tuaanyde ñueen, ku tuaanyde akëc ñueen, ëci rot jal juak. <sup>27</sup> Ku yeen ëci käk ye Jethu looi piñ. Go ben Jethu köu ku goot alanhde, <sup>28</sup> rin ëci jam ë rot yepuöu ëlä, “Na gaat alanhde, ke yen abi pial.”

<sup>29</sup> Kaam thiin awën ke riem cii ben kuër, ku yök rot ke ci pial. <sup>30</sup> Go Jethu yök lon cii riel jäl yeguöp. Go yenhom wel ku thiëec koc, “Yeña cä alanhdie goot?”

<sup>31</sup> Go kacken ye buoath lek ye, “Yin ë koc juëc tiñ ke cī yī kum ku ye thiëc, Yeņa cä goot?”

<sup>32</sup> Go Jethu ɲot döt koc bī tiñ yeņa cī ye looi. <sup>33</sup> Wën ɲic tiñ awën tuany ye ke tuaany cī jäl yeguöp, go ben tënë Jethu ke cī riöc, ke leth, ku gut yenhiaal piny Jethu nom. Ku lëk ye lon ë yen cī ye goot. <sup>34</sup> Go Jethu lueel tënë ye, “Nyaandie, gamdu aci kony ba pial, loor, kek döör.”

<sup>35</sup> Kaam wën jieem Jethu, ke koc riñ pan Jariöth ku lëkkë ye, “Nyaandu aci yet wei, duk raan piöc ben räam nom.”

<sup>36</sup> Ku Jethu ë këc kë cik lueel kuëec nom, ku lek ye, “Duk riöc, dæet yīpuöu ku gam wet yic.” <sup>37</sup> Ku ë cin koc juëc cī puöl bik cath kek ye, ee Pīter ku Jemith ku Joon kepec. <sup>38</sup> Tewën yeet kek pan Jariöth ke Jethu yök koc ke näk röt, ke dhiau apei. <sup>39</sup> Ku ler yöt ku lëk ke, “Yeñö nek wek röt? Ye dhiëndiit ɲö këñë? Meth akëc thou, anin.”

<sup>40</sup> Gokë döl guöp. Go Jethu ke cöl ala ayeer, ku cöl wun meth kek man meth ku kacken awën kadiäk, ku lek yöt tewën cī meth täac thīn. <sup>41</sup> Ku döm cin ku lëk ye, “Nyan thiin, alëk yī, jöt rot!”

<sup>42</sup> Go rot jöt nyin yic ku cieth. Go koc awën tö yööt kek Jethu gäi apei wën tiñ kek kë cī rot looi (ë ye run thiäär ku rou.) <sup>43</sup> Ku thon Jethu ke bik cī lëk koc kök. Ku lëk ke bik yiëk miëth.

### Koc Nadharet aa këc Jethu gam

(Mt 13:53-58; Lk 4:16-30)

**6**<sup>1</sup> Go Jethu jäl teden awën ku ler genden Nadharet, ku buoath kacken ye buoath. <sup>2</sup> Nawën aköl ë löñ, ke piöc ten amat. Ku koc juëc aake tö thīn. Nawën piñkë piöcde ke gei, ku luelkë, “Cī käh ben aa ɲic nen?” “Ku ye kakkä looi këdë? <sup>3</sup> Yen ë raan guëñguëñ tiim, ku ë wën Maria, ku ë menh ë Jemith, ku Jothep, ku Jut ku Thaimon. Ku cie nyierakën kä reer ë ten kek yo?” Ku jolkë jai bik piöcde cī gam.

<sup>4</sup> Go Jethu lek ke, “Raan cī Nhialic lööny yeguöp aye baai ëbën theek, ka koc genden ku koc ruäai kek ye, ku paan wun kek paan man kek aaci ye ye theek.”

<sup>5-6</sup> Ku akëc lëu bī käk jäh göi looi, ka koc tuany lik kek aci yen yecin täau kenhīim, ku kony ke bik pial. Ee cī gäi apei rin këc kek ye gam.

### Jethu acä atuöccke kathiäär ku rou tooc

(Mt 10:5-15; Lk 9:1-6)

Go Jethu jäl ku ler bæei kök yiic ku le koc piöc thīn. <sup>7</sup> Ku tuum atuöccke ku tooc ke wei, bī koc karou aa cath ë tök bik aala piöc Wet Puoth Yam ë Nhialic, ku yik ke riel bik kek koc aala kony. <sup>8</sup> Ku lëk ke apei. “Duökkë muk ë miith yakë cam dhël yic, muökkë ke wei kepec. <sup>9</sup> Ceñkë war ku duökkë muk aleth kök.” <sup>10</sup> Ku lëk ke aya, “Yakë rëer pan ye we lor thīn yet te bī wek jäl. <sup>11</sup> Ku na lak pan cī we lor thīn, ku pan cī welkun ye piñ thīn, ke we jiël ku teñkë wecök. Ku abī nyooth lon cī wek kuëc ë ke!”

<sup>12</sup> Ku jiëlkë ku lek koc piöc bik luoi adumuööm puöl. <sup>13</sup> Ku copkë jakrec juëc wei, ku töckë koc juëc tuany nhīim. Ku röökkë bī ke kony bik pial.

### Näak ë Joon raan koc muöc nhīim

(Mt 14:1-12; Lk 9:7-9)

<sup>14</sup> Ku beny Antipäth Yërot ëcī wet piñ rin cī ke Jethu ɲic apei. Ku ë ye koc kök lueel, “Joon raan koc muöc nhīim aci ben pīr, ee yen ale yen riel yen kakkä looi.”

<sup>15</sup> Ku lueel koc kök, “Mony këñë adhil a Elija raan wäär käk Nhialic tiñ.” Ku ben koc kök lueel, “Ee raan tök kam koc theer, koc käk Nhialic tiñ.”

<sup>16</sup> Ku wën piñ Antipäth Yërot ë wet këñë go lueel, “Ee Joon raan koc muöc nhīim wäär ca cöl atök yeth yen aci jöt thou yic.” <sup>17</sup> Antipäth Yërot ëcī Joon cöl anak këlä, ee cī cöl adom ku rek, ku cöl amac rin wet Yërodia tiñ Pilipo wämënh cī rum bī ya tieñde, <sup>18</sup> rin cī Joon ye lueel tënë ye ëlä, “Acī path ba tiñ wämuuth rum ke pīr.”

<sup>19</sup> Ku Yërodia ëcī puöu mit tënë Joon rin ë wet këñë. Ku wic diet nek ku cī lëu, <sup>20</sup> rin Yërot ë riöc Joon, rin ye Joon raan puoth wet Nhialic, ku kony bī cien kë näk ye. Nawën piñ Yërot wet Joon, ke gei apei ku ɲot nhieer bī wël Joon aa piñ.

<sup>21</sup> Nawën ke Yërodia jöl te bī yen Joon näk thīn yök, ku ë ye aköl looi Antipäth Yërot yan akölden dhiëeth ye, tënë kacken dit mec kek baai, ku bäny apuruuk ku jöl aa kocdit pan Galilia. <sup>22</sup> Ku nyan Yërodia nom guöp, ee cī ben yeei bī ben dier. Go Yërot kek jälke puöth miet apei tënë ye. Go Antipäth Yërot beny lek ë

nyan älä, “Na le ke wic, ke luel tēnē ya ku ba gām yī.” <sup>23</sup> Ku kuēñ tēnē ye jööl nhīim ku lueel, “Kuat kēdun ba thiēc tēnē ya aba dhiel yiēk yī, cōk alōn ē yen abañ ē bāānydiē.”

<sup>24</sup> Go nya la ayeer ku lēk man, “Yeñö ba thiēc?” Go man lueel, “Lek ye bī Joon raan kōc muōc nhīim tōk yeth, ku gem yī nhiamde ba beei.”

<sup>25</sup> Go nya dhuk tēnē beny nyin yic ku lueel, “Yīn awiēc ba gām nom Joon raan kōc muōc nhīim ten emēn thiin, ke cī tāāu aduōk yic!”

<sup>26</sup> Kēnē aci beny rac puōu apeī, ku akēc kuc rin cī yen mēl kuēñ ē jööl nhīim. <sup>27</sup> Go beny apuruōkde tooc nyin yic, ku lēk ye bī nom Joon raan kōc muōc nhīim beei. Go apuruk la tewēn mec yen thīn ku tōk yeth. <sup>28</sup> Ku bī nom ke cī tāāu aduōk yic, ku yīk nya, ku jōl nya gām man. <sup>29</sup> Nawēn piñ kōc Joon buōth lōn cī ye nōk, gokē la ku nyeeikē guāpde ku thiākkē.

#### Jethu aci miēth koor juak bī kōc juēc cam

(Mt 14:13-21; Lk 9:10-17; Jn 6:1-14)

<sup>30</sup> Kōc Jethu buōth aake ye ben yenhom ku lēkkē kāk cīk looi, ku kāk cīk piōc ebēn. <sup>31</sup> Kōc juēc apeī aake ye wāac, kōc jiēl ku kōc bö tēnē Jethu bī ke ben kony, abī Jethu kek atuōōcke cī lāāu bīk cak mīth. Go lek atuōōcke, “Jiēlku buk la te cīn yic kōc buk la lōñ.” <sup>32</sup> Gokē jāl ē riāi ē rōt bīk la te cī ceñ, ku aake kēc kōc lek te ler kek thīn.

<sup>33</sup> Go kōc juēc ke tiñ, ku ñickē ke. Gokē miōt geeth yiic ku riñkē tueñ ke kuany wār kōu, ke la tewēn cī Jethu kek atuōōcke kenhīim wel thīn. Ku ye kek koñ yet tewēn. <sup>34</sup> Wēn keec Jethu piny riāi yic, ke tiñ kōc juēcä. Go wic bī ke kony rin aci tiñ kecīt amel pap cīn nhīim abiōōk. Ku jōlke piōc kajuēc. <sup>35</sup> Nawēn col piny, ke kōcken ye buōth bö tēnē ye ku luelkē, “Piny aci cuōl ku ten ē ror cīn kē kuany thīn, <sup>36</sup> col kōc aa jiēl bīk la beei yiic bīk la yōc miēth camkē.”

<sup>37</sup> Go beer, “Miackē ke ē miēth.” Gokē lek ye, “Wic buk ayuōp lēu ē kōc kithkā yōc tēnē ke bīk ke cam? Aa wic wēū juēc apeī.”

<sup>38</sup> Go Jethu ke thiēc, “Ye ayuōp kadē tō thīn? Lak bāk ke la tiñ.” Gokē dhuk ku lēkkē ye, “Aa yuōp kadhiēc ku rec karou.”

<sup>39</sup> Go lek ke bīk kōc col anyuc piiny akuut noon tōc nom. <sup>40</sup> Gokē nyuc piiny akuut buōt ku akuut thiārdhiēc. <sup>41</sup> Go ayuōp awēn kadhiēc ku rec karou lōōm, ku dōt nhial ku leec Nhialic. Ku beny ayuōp yiic ku gem ke kōcken ye buōth bīk ke tek agut rec, tēnē kōc. <sup>42</sup> Ku mīthkē abī miēth ke göök. <sup>43</sup> Ku jōl kōcken ye buōth awuthueei ayuōp ku rec cī dōñ piny kuany gāac kathiāār ku rou. <sup>44</sup> Kōc ke cī mīth ebēn, rōr rōt aake ye tiim kadhiēc.

#### Jethu aci cath piū nhīim

(Mt 14:22-33; Jn 6:15-21)

<sup>45</sup> Kaam thin awēn, ke Jethu yōōk kōcken ye buōth bīk la riāi yic, ku lek tueñ yenhom agōr alōntui gen col Bethaida. Ku col thei ajiēl. <sup>46</sup> Wēn cī yen kōc tōñ, ke jiēl bī la gōt nom bī la rōōk. <sup>47</sup> Nawēn la thēi ben, ke atuōōcke aake ñoot ē riāi yic wār ciēl yic, ku yeen ē rot agōr nom. <sup>48</sup> Gokē tiñ ke cī gök ger ē riāi rin cī kek kenhīim wel yom. Nawēn bāak ē piny, ke bö tēnē ke ke cath piū nhīim, ku ē wic bī ke waan thook. <sup>49</sup> Ku wēn tiñ kek ye ke cath wīr piū nhīim, ke tiñkē kecīt atim raan cī thou, ku dhiēukē, <sup>50</sup> rin ē cīk tiñ kedhie ku riōōckē.

Go guō jam tēnē ke ku lueel, “Deetkē wepuōth, ee yen Jethu, duōkkē riēc.” <sup>51</sup> Ku met rot riāi yic tēnē ke. Go yom kōc. Gokē gāi apeī, <sup>52</sup> ē rin kēc kek kēnē ayuōp wāār cī gām rōr tiim kadhiēc deet yic, rin ril kek nhīim.

#### Jethu aci kōc tuany Jenetharet kony

(Mt 14:34-36)

<sup>53</sup> Nawēn akōl det cī kek wār teem, ke yet Jenetharet tō agōr nom ku dōmkē riāi. <sup>54</sup> Nawēn bīkkē bei ē riāi yic, go Jethu guō ñic kōc ebēn. <sup>55</sup> Gokē kat ku riñkē beei yiic ku lek kōc tuany ket, ku yethkē ke te cī kek ye piēñ thīn. <sup>56</sup> Ku kuat ten cī Jethu la thīn ebēn, beei yiic ku geeth yiic, kōc juēc tuany aake ye tāac tēnē yōc ku dhōl yiic, ku lāñkē bīk gōt, cōk alanhde thok ē path. Ku kuat raan cī ye gōt ebēn, ee ye pial.



## Jethu aci cieņj kōk wārkuan dīt dhōl yiic

(Mt 15:1-9)

**7**<sup>1</sup> Wēn cī Parathī kek kōc piōoc lōōņ kōc Itharel, ke cī ben Jeruthalem Jethu gōōm piny. <sup>2</sup> Ke tiņ kōc Jethu buōōth ke mīth ke kēc kecin lōok apath, bīk ajuēec nyaai kegup cīt te ye kōc Itharel ye luōoi thīn.

<sup>3</sup> Kōckā aake cī kē cī atuuic Jethu looi rac puōth, rin kōc Itharel kek Parathī, aake cīi ye mīth te kēc kek kecin kaņ lōok kecīt cieņj theer kōcken dīt. <sup>4</sup> Ku na le mīith cik la beei geeu, ka cik cam ke kēckē kaņ lōok kōth. Ku keek aake ye kāk cī kōcken dīt theer lek ke looi, cīmēn lōk būny ku tōny ku aduuk ē miēth.

<sup>5</sup> Go Parathī ku kōc piōoc ē lōōņ Jethu thiēec, “Yeņjō cīi kōckun yī buōōth ye ceņ ē cieņj wārkuan dīt, ku yekē mīith juāak ke kēc kecin lōok?”

<sup>6</sup> Go Jethu beer, “Ithaya aci yic lueel ē rienkun lōn ye wek awēņ puōth rou, ku get ēlā, ‘Kōckā aa ȳa leec kethook ku aliu kepuōth.

<sup>7</sup> Keek aa ȳa door ku acie duōōr ē yic,

rin keek aa kōc piōoc lōōņ cieņj wārkuan dīt ciet ke ye lōōņkie!’

<sup>8</sup> “Ee yic, wek aacīt kōc ye Ithaya jam ē rienken. Wek aaci kuc lōōņ Nhialic ku ye lōōņ cieņj dun kek yakē gam.”

<sup>9</sup> Ku lēk Jethu ke, “Ayakē tak lōn ē yen kēpath yen cāk looi ye wek kuc lōōņ Nhialic, ku muōkkē cieņj dun theer. <sup>10</sup> Rin aci Mothith lueel, ‘Thek wuur kek moor, ku na ye raan wun kek man jāam gup kārec, ka dhil nōk bī thou.’ <sup>11</sup> Ku ayakē lueel aya lōn ye yen yic, bī raan wun kek man jāi te wic kek kēpiir kek tēnē ye, ‘Acin te kuōny we, rin ȳen aci Nhialic gām kēn ba yiēk we.’ <sup>12</sup> Ke wek aa kuc bī kākā cīi loi tēnē wun ku man. <sup>13</sup> Kēya, te ye wek kōc piōoc thīn aci thōņ kek wēl ye Nhialic lueel. Ku wek aa kārec juēc kōk cīt kākā looi aya.”

<sup>14</sup> Go Jethu kōc juēc ben cōl ku lēk ke, “Pieņkē wetdie wedhie ku detkē yic. <sup>15</sup> Acie kē ye raan cam, yen ye cōl aye raan rac, aa kāk ye tak ku kāk ye lueel, ku kāk ye looi kek aaye cōl aye raan rac. [<sup>16</sup> Pieņkē te le wek yīth.]”

<sup>17</sup> Wēn cī yen kōc nyāāņ piny aȳeer ku ler ȳōt, ke thiēec kōcken ye buōōth bī wet awēn cī lueel teet yic tēnē ke. <sup>18</sup> Go lek ke, “Cāk kaņ ye deet yiic aya? Acie miēth ye raan cam yen ye cōl ala guōp adumuōōm, <sup>19</sup> rin acie la yepuōu, ee la yeyāc ku le ben bei.” Kēya, aci Jethu nyuōōth lōn miēth ēbēn apath.

<sup>20</sup> Ku ben lek ke, “Aa kāk ye raan tak ku looi ke, kek aa rec. <sup>21</sup> Rin puōu yen aye kārec ye looi ben bei thīn, cīmēn bal ku ruōōm, ku nāak raan ē path, ku kōr diāār. <sup>22</sup> Ku kook ku wēēņ ku nhiam ku tieel, ku yīk yepuōu kēnē raandā, ku luōom ku kuat kārec ēbēn. <sup>23</sup> Kākā ēbēn aa ben bei raan puōu, ku looi ke ku reckē ye.”

## Tiņ cī gam lōn bī Jethu nyaande kony

(Mt 15:21-28)

<sup>24</sup> Ku jōl Jethu jāl ku ler wundet tethiāak kek Tire ku Thidon, ku ler ȳōt. Ku cīi wic bī la raan ņic ye. Ku akēc lēu bī thiaan. <sup>25</sup> Go tiņ la nyanden koor ņot kēc kuāc cī jōņrac la yeguōp, Jethu piņ. Go ben tēnē ye ku gut yenhiaal piny Jethu nhom. <sup>26</sup> Tiņ kēnē ē ye jam thoņ Girīk, ku ee nyan pan Ponicia. Go ben ku leņ Jethu ēlā, “Beny, cōk a lōn cī ȳen ye tiņ pandun ke yī bō ba jōņrac cuōp wei nyaandie guōp.”<sup>c</sup> <sup>27</sup> Go Jethu lueel, “ȳen ȳa cīi bō ba miēth mīth ben gām jōk. Acie yic bī miēthden yiēk jōk, ke kēc kueth.”

<sup>28</sup> Go beer, “Ee yic Beny, ku jōk rēer te mīth kōc thīn awuthueei cī lōōny piny kuany.” <sup>29</sup> Go Jethu lek ye, “Rin cī yīn ye ņiec beer kēya, dhuōk baai, yīn abī jōņrac yōk ke cī jāl nyaandu guōp!”

<sup>30</sup> Go dhuk baai ku yōk nyaande ke cī tōc biōok yic, ku jōņrac ke cī jāl yeguōp.

## Jethu aci raan miņ cie jam kony

<sup>31</sup> Go Jethu jāl Tire ku dhuk wār Galilia ke kuany geeth kathiāār Dekapolith yiic ku Thidon. <sup>32</sup> Tewēn ke kōc kōk bū raan cī miņ tēnē Jethu, ku lāņkē bī goōt. <sup>33</sup> Go Jethu nyaai kōc yiic ku ȳeth tede ē rot, ku tēu yecin yeyic, ku ņuut ku goōt liep.

<sup>34</sup> Ku dōt nhial ku wēēi apei ku lek ye, “Pieņjē!” <sup>35</sup> Kaam thiin awēn, ke ȳor yīth ku jīeem. <sup>36</sup> Ku yōok Jethu kōc awēn tō thīn bīk cīi lēk raan det. Ku ņot lek lueel. <sup>37</sup> Ku kōc cī ye piņ aaci gāi apeidīt ku luelkē, “Mony cōl Jethu kēnē aci kēriēec ēbēn lēu. Kōc cī miņ aa piņ ēmēn, ku kōc ke cie jam, aaci ȳa jam aya.”

<sup>c</sup>7:26Tiņ kēnē ee cie nyan Itharel.

## Jethu aci raan tiim kaJuan col akueth

(Mt 15:32-39)

8<sup>1</sup> Ye ninkä, ke koc juëc mat kenhïim. Nawën cïn miëth ke Jethu col kocken ye buoöth ku lueel, <sup>2</sup>“Yen aci guöp nõn, rin kockä aaci rëer kek ya nin kadiäk emën, ku acin kë camkë. <sup>3</sup>Na cal ke aa dhuk bääiken yiic, ke cïn kë cik cam, ka la wiik dhel yic, rin koc kök aabö temec.”

<sup>4</sup>Go kocken ye buoöth lek ye, “Ye tenen roor ë ten bi raan miëth yök thin bi koc juëckä cam?”

<sup>5</sup>Go Jethu ke thiëc, “Lak ayuöp kadë?” Gokë lueel, “Aa dhorou.” <sup>6-7</sup>Go lek than awën bik nyuc piiny. Ku lööm ayuöp awën kadhorou ku rec thii lik ku röök Nhialic, ku beny keyiic, ku gem ke kocken ye buoöth bik ke tek koc. Gokë looi këya. <sup>8-9</sup>Ku jol than awën, kecit tiim kaJuan mith bik kueth. Ku jol koc Jethu buoöth awuthueei ayuöp ci döng kuany gäac kadhorou. Ku jol Jethu koc col ajiël, <sup>10</sup>ku ler riäi yic kek kocken ye buoöth, ku lek pan col Dalmanutha.

## Jethu aci kuc bi këne jän göi looi

(Mt 16:1-4)

<sup>11</sup>Tewën ke Parathi kök ben ben tënë Jethu ku teerkë wet kek ye, ku wickë bik deep ë wet, gokë yöök bi këne jän göi looi, bi nyuöth ke lon ye Nhialic welke gam. <sup>12</sup>Go Jethu keñ apei ku lueel, “Yenö ye riëc aköl thiëc këne jän göi. Wek alek yic. Acin këcit këne bi nyuöth ke.” <sup>13</sup>Ku nyiëñ ke piny, ku dhuk riäi yic, bi teem wär alonui.

## Duökkë ye tak cimën Parathi ku Antipäth Yërot

(Mt 16:5-12)

<sup>14</sup>Koc Jethu buoöth aake ci nhïim määar bik ayuöp juëc cii muk wën ler kek riäi yic, ku mukë ayuöm tök giliñ. <sup>15</sup>Go Jethu lek ke, “Tiëerkë nhïim, ku tietkë röt bäk cii nhiam cimën Parathi ku Antipäth Yërot, nhiaamden ke col ago puör cimën ayum ci yiëc yic luou.”

<sup>16</sup>Gokë jam kamken ëlä, “Ee wet këne lueel rin cïn yok ayup.”

<sup>17</sup>Go Jethu kë luelkë guo ñic, ku thiëc ke, “Yenö ye wek ye tak wek acin ayup. Cäk kän ye tak lon bi yen we muoc ayup. Cäk kän ye tin ku detkë keyiic, kua cäk puöth cor? <sup>18</sup>Wek aala nyin, cäk ye daai? Ku wek aala yith, cäk ye pin ku cäk ye tak? <sup>19</sup>Ye gäac awuthueei kadë cäk ben kuany wäär beny yen ayuöp kathiëc yiic tënë röör tiim kadhiëc?” Gokë beer, “Ee gac thiäar ku rou.”

<sup>20</sup>“Na wäär beny yen ayuöp kadhorou yiic tënë raan tiim kaJuan, ye gäac awuthueei ayuöp ci döng piny kadë cäk ben kuany?” Gokë lueel, “Aa dhorou.”

<sup>21</sup>Go Jethu ke thiëc, “Ku këya emën not cäk ye deet lon le yen riel ba miëth gam we?”

## Jethu aci mony cor pan Bethaida kony

<sup>22</sup>Gokë ben Bethaida. Go koc kök mony ci cor thel tënë Jethu, ku lanjkë bi goot. <sup>23</sup>Go Jethu cor dom cin ku thel wei baai. Nawën ci nuöt nyin, ke teeu yecin yenyin ku thiëc, “Le kë ye tin?” <sup>24</sup>Go yenhom jot ku lueel, “Yen acie daai apath, yen ë koc tin kecit tiim kek cath.”

<sup>25</sup>Go Jethu yecin ben täau yenyin, go daai ku tin këriëc ëbën apath. <sup>26</sup>Go Jethu col adhuk paande ku thon bi cii la lek koc kök.

## Piter aci Jethu ñic

(Mt 16:13-20; Lk 9:18-21)

<sup>27</sup>Go Jethu kek kocken ye buoöth la Cetharia Pilipi. Tewën cieth kek, ke thiëc Jethu, “Lëkkë ya, ye jän tak ye yen ë ña?” <sup>28</sup>Gokë lueel, “Ayekë lueel lon ye yin Joon raan koc muoc nhïim. Ku lueel kuat det lon ye yin Elija, ku koc kök ayekë lueel lon ye yin raan tön kam koc käk Nhialic tin.”

<sup>29</sup>Goke thiëc, “Na week yakë lueel lon ye yen ña?” Go Piter beer, “Yiin nom guöp, yin ë Raan ci loc ku doc.” <sup>30</sup>“Kë ca lueel ë yic Piter.” Ku lek ke, “Duökkë lek raan det.”

## Jethu ë jam Aræemde ku Thuonde

(Mt 16:21-28; Lk 9:22-27)

<sup>31</sup> Nawën ke jol Jethu piöc ëlä, “Manh Raan abi dhiel reem, ku yeen abi kocdit baai, ku bäny käk Nhialic ku jol aa koc piöc löön koc Itharel jai, ku näkkë. Ku yeen abi nin kadiäk nök piiny ë ran yic, ku ben pir ku jot rot ran yic.” <sup>32</sup> Ku teet kënë yic apath tënë ke. Go Piter miet wei koc yiic ku yöök bi ci ye jam këya.

<sup>33</sup> Go Jethu yenhom wel ku tin kocken ye buoath ku rël Piter ku lueel, “Jäl yalööm jorrac. Wic ba käk ci Nhialic guir waar yiic! Käk ye tak aacie käk Nhialic, aa wël raan ë path.”

<sup>34</sup> Ku jol Jethu kocken ye buoath cöl ku lek ke, “Na le raan wic bä buoath, ka dhil nom määr kapuath bi yok pierde yic pinyhom ë ten. Ku dhil puöu riel ku buoath ya, cok alon wic koc kök ye bik nök ë rienkie.

<sup>35</sup> Rin raan wic ye bi weike kony aabi muör, ku na ye raan mär weike ë rienkie ku rin piöc die, ka bi weike muk akölrüec ëbën. <sup>36</sup> Yejö bi raan kuany thin, bi jak apei pinyhom ku mer weike? <sup>37</sup> Pir wëi akölrüec apath, acin kë lëu bi ye waar. <sup>38</sup> Na ye raan guöp yär ya ku piöc die ë riëc ci ye wic bi wet Nhialic gam, ke Manh Raan abi guöp yär ye aya, aköl dhuk yen kek diik Wun kek atuuc Nhialic.”

**9** <sup>1</sup> Ku le tuej ku lueel, “Wek alek yic, ala koc kök reer ë ten, aaci bi thou agut te bi kek ya tin kek riel ye nyuoath lon ye yen beny ci Nhialic loc.”

## Jethu aci guäpde rot waan

(Mt 17:1-13; Lk 9:28-36)

<sup>2</sup> Nawën nin kadätem cok, ke Jethu col Piter ku Jemith ku jol a Joon, ku lek gon bär apei nom kepec. Kaam wën röök kek, ke tin Jethu ke ci rot waan, <sup>3</sup> ku jol aläthke yer apei abik la diardiar. <sup>4</sup> Nawën ë ke tin Elija ku Mothith ke jam kek Jethu. <sup>5</sup> Wën ci kek reer kaam thin-nyoat, go Piter lek Jethu, “Raan piöc, apath buk reer ë ten. Yok abi duel kadiäk looi, tök tënë yi, ku tök kek Mothith, ku tön det kek Elija.” <sup>6</sup> Kënë jieem yen këlä, ee rin kuc yen wet peth bi lueel, rin këpuath cik tin ci ke nyön nhüm wël.

<sup>7</sup> Go këcit rur piny paat abi cien te yekë tin, ku pinjë Nhialic ke jam ëlä, “Kënë ë Wëndien nhiaar, pienjë wetde.” <sup>8</sup> Nawën tinjë piny kaam thin awën, ke ye Jethu yen tinjë yetök.

<sup>9</sup> Tewën dhuk kek piny got nom, go Jethu lek ke, “Duökkë käk cäk tin lëk raan det yet aköl bi Manh Raan jot ran yic.”

<sup>10</sup> Gokë wet Jethu gam, ku jolkë röt aa thiëc ëlä, “Yejö wic Jethu bi lueel wën ye yen jam jön rot ë ran yic?” <sup>11</sup> Ku thiëcë Jethu, “Yejö ye koc piöc löön ye lueel lon ye yen Elija yen bi kan ben tuej, ku ëmën aci lök ben yicök?”

<sup>12</sup> Go beer ëlä, “Ee yic, Elija akon ben tuej, rin bi yen dhël ben guir. Ku yejö get ye aya, lon Manh Raan abi koc Itharel jai, ku abik col arem apei? <sup>13</sup> Alek we lon ci Elija ben theer ku acik luoi teden nhiarkë, cit te ci ye gät thin theer rienke.”

## Jethu aci dhön la guöp jorrac kony

(Mt 17:14-21; Lk 9:39-43)

<sup>14</sup> Nawën dhukkë tënë abiöth Jethu kök awën, ke yökkë ke ke ci koc juëc apei gööm, ku koc piöc löön ke teer wël ke ke. <sup>15</sup> Tewën tin kek Jethu, gokë puöth miet apei ku lorkë ku muöthkë. <sup>16</sup> Nawën yëet Jethu tënë atuöccke ke thiëc, “Yejö teerkë wek ke?”

<sup>17</sup> Go raan tök than awën yic wet det teem thin ku lueel, “Raan piöc, yen aci manhdien ca kan beei tënë kockun yi buoath, ben beei tënë yi, rin këc kek jon tö yeguöp lëu bik cuop wei. Yeen aci jorrac la yeguöp ku ye pen jam. <sup>18</sup> Te dom ë jon kënë ye, aye wiet piny ku yik thok ayök, ku reem yelec ku riny. Yen aci kockun yi buoath thiëc bik jok cuop wei, ku akëcë lëu.”

<sup>19</sup> Go Jethu lek ke, “Wek koc cie lac gam, yakë tak ba reer kek we yet nen, bäk jäl gam. Beikë dhön kënë tënë yen.” <sup>20</sup> Gokë beei tënë ye.

Kaam wën tin jorrac Jethu, ke leth dhök ku wit piny ku loor ku yik thok ayök. <sup>21</sup> Go Jethu wun thiëc, “Ye nen dom jon kënë ye?” Go beer, “Tewäär ye yen meth. <sup>22</sup> Aci jon kënë duer nöc, aye wiet meec, ku le wiet wir bi duer mou. Na lëu ke yi kony yo.”

<sup>23</sup> Go Jethu lek ye, “Yejö ye yin ye lueel, lon na leu! Ee yic, këriëc ëbën apuol yic tënë raan ci gam.”

<sup>24</sup> Go wun meth dhiau, “Yen ala gam ku akoor, kony ya bi gamdie rot juak.”

<sup>25</sup> Nawën tiŋ Jethu kɔc juëc ke bö tethiäak kek ye, ke rël jɔŋrac ku lueel, “Ee yin jɔŋ miŋ cie jam. Yin ayöök, bäär bei dhök guöp, ku duk ben dhuk yeguöp.”

<sup>26</sup> Go jɔŋrac dhiau yeröl ku wit piny, ku leth, ku bii bei. Ku jɔl dhök anaŋnaŋ piiny abï kɔc kök aa lueel, ka ci thou. <sup>27</sup> Go Jethu dɔm cin ku kony bi rot jɔt. Go rot jɔt ku keec.

<sup>28</sup> Tewën rëer Jethu kek kɔcken ye buoŋth ë röt, ke thiëckë, “Yeŋö këc ɣok ye lëu buk jɔŋ këñë cuöp wei?”

<sup>29</sup> Go lek ke, “Jɔŋ ciŋ këñë acäk lëu bäk cuöp wei. Ee röök ë rot yen ë ye alëu bi jak ciŋ käckä cuöp wei.”

Jethu aci ben jam ë Thuonde

(Mt 17:22-23; Lk 9:43-45)

<sup>30</sup> Go Jethu kek kɔcken ye buoŋth jäl tewën ke ke ret pan Galilia yic, ku ciï wic bi la raan ŋic ye. <sup>31</sup> Rin ë ninkä ë piöoc kɔcken ye buoŋth kë bi rot luöi ye, “Manh Raan abï thön kɔc bi ye nöc, ku na aköl ye nin diäk ka bi rot jɔt raŋ yic.”

<sup>32</sup> Ku aa këc wetde ben deet yic, ku riöockë bik thiëc.

Kɔc Jethu buoŋth aaci wet tær

(Mt 18:1-5; Lk 9:46-48)

<sup>33</sup> Gokë yet Kapernaum. Nawën lek yet yöt, ke thiëc atuöocke, “Yeŋö këñë teerkë wën dhël yic?” <sup>34</sup> Gokë gup riöoc ku bitkë, rin wën cieth kek, aake teer wet lɔn, yeŋa kamken yen dit apei. <sup>35</sup> Go nyuc ku cöol atuöocke kathiäar ku rou ku lëk ke, “Pieŋkë, na ye raan wic ye bi töu tueŋ, ka dhil dhuk ciëen ku luui rin kɔc ëbën.” <sup>36</sup> Ku dɔm meth ku cɔl akäac kenhiim ku tæu yecin yekët ku lëk ke, <sup>37</sup> “Raan manh koor ciŋ manh këñë lor ë rienkie, acä lor, ku raan ɣa lor, acie ɣen ye lor, ee Wä Aciëŋ toc ɣa.”

<sup>38</sup> Nawën aköl det ke lëk Joon ye, “Raan piöoc, ɣok aaci mony det tiŋ keye jakrec cuöp wei kɔc gup ë rienku ku acuk pëen rin acie raanda.” <sup>39</sup> Go Jethu lueel, “Duöckë ye pëen rin raan kãŋ looi rienkie, acii lëu bi rot guo wel ku lëk ɣa kërac. <sup>40</sup> Rin raan ciï ɣo man, ee raanda. <sup>41</sup> Wek alek yic, raan we muöoc piü ë rin ye wek kɔc Raan ci lɔc ku dɔc, abä ariöpde yök.”

Ba raan det thöoc kërac yic

(Mt 18:6-9; Lk 17:1-2)

<sup>42</sup> Na ye raan wëŋ menh tök kam ë miŋhkä ku bä maan, ka ŋueen tënë ë raan ciŋ këñë, diet ci ruök yeth alel dit tet, ku pik wiir bi mou. [<sup>43</sup> te ciï kämden ë thou thin, ku mac acie thou akölrüëc ëbën.] <sup>44</sup> Ku na ye ciëendu yi cɔl aloi awuöc, ke teem wei, aŋueen ba pir pir path kek ciëen tök, kek te bi yin la cin karou ku cuet yi pan many cie thou akölrüëc ëbën. [<sup>45</sup> te ciï kämden ë thou thin, ku mac acie thou akölrüëc ëbën.] <sup>46</sup> Ku na ye cöökdu yi ɣäth awuöc yic, ke teem wei, rin aŋueen ba pir pir path ke yi ye ŋol, kek te bi yin la cök karou ku cuet yi pan mac. <sup>47</sup> Ku na ye nyiendu yi cɔl aloi awuöc, ke ŋuët bei. Aŋueen ba rot mat bäany Nhialic yic kek nyien tök, kek te bi yin la nyin karou ku cuet yi pan mac. <sup>48</sup> Ee teen areem yekë yök thin acie thök, ë rin many pan mac acie many ye yor.

<sup>49</sup> Raan ëbën abï lɔc ë mac cimën ye ajuer lɔc awai.

<sup>50</sup> Awai apath. Ku na thöök köu alei ke ben dhuök thin këdë? Reerkë kek awan mäath kamkun ku lakkë döör kamkun.

Jethu apiöoc wet liööi

(Mt 19:1-12; Lk 16:8)

**10** <sup>1</sup> Go Jethu jäl tewën ku ler Judia ku teem wär Jordan. Go kɔc juëc apei ben guëer tënë ye. Goke piöoc cimënden theer.

<sup>2</sup> Go Parathi kök ben tënë ye ku wickë bik deep wet ku thiëckë, “Na päl raan tieŋde ke ciï path?”

<sup>3</sup> Go Jethu bæer, “Yeŋö ci Mothith lek we wätheer?”

<sup>4</sup> Gokë lueel, “Aci Mothith puöl bi moc athör liööi göt, ku pel tik.”

<sup>5</sup> Go Jethu dhuök ke, “Mothith aci löŋ këñë gät we ë rin wärkuan dit aake cie yith ye lac gam. <sup>6</sup> Ku wäär tueŋ cek Nhialic kɔc aaci cak moc ku tik. <sup>7</sup> ‘Ku rin ë wet këñë raan abï wun ku man nyäaŋ piny, ku le ker kek tieŋde, <sup>8</sup> ku keek karou aabi ya many tök.’ Këya aaci ben ya rou aa tök. <sup>9</sup> Këya, na ci Nhialic ke puöl bi ya moc ku tik, ka cin raan päl ŋek kamken.”

9:34Lk 22:24 9:35Mt 20:26-27; 23:11; Mk 10:43-44; Lk 22:26 9:37Mt 10:40; Lk 10:16; Jn 13:20

9:40Mt 12:30; Lk 11:23 9:41Mt 10:42 9:43Mt 5:30 9:47Mt 5:29 9:48Ith 66:24 9:50Mt 5:13; Lk 14:34-35

10:4L.rou 24:1-4; Mt 5:31 10:6Cäk 1:27; 5:2 10:7-8Cäk 2:24

<sup>10</sup> Ku wën cī kek dhuk baai, ke thiëc kacken ye buoθh ë wet kënë. <sup>11</sup> Go lek ke, “Na ye raan liöi tienje ku thiëc tiñ det, ka cī kërac looi tënë tiñden tueñ. <sup>12</sup> Ku na ye tiñ päl muonyde ku le mony det thiaak, ka cī akor looi.”

### Jethu adoc mith

<sup>13</sup> Koc kök aake ye mith beei tënë Jethu bi ke ben dooc, go koc Jethu buoθh ke läät. <sup>14</sup> Nawën la Jethu kë looi atuöcke tiñ, ke dak puöu ku lueel tënë ke, “Calkë mith aabö tënë ya, duökkë ke pën. Raan wic ye bi la bäany Nhialic yic adhil gam cimën ë mith thiikä. <sup>15</sup> Alek we, raan wic ye bi bäany Nhialic yök adhil wet Nhialic gam, cimën ye manh koor wet koc ke dhiëth ye gam.” <sup>16</sup> Ku cööl mith yelööm ku teeu yecin kenhüm ku dooc ke.

### Raan ajak

(Mt 19:16-30; Lk 18:18-30)

<sup>17</sup> Tewën jiël Jethu geeu, ke raan riñ tënë ye ku gut yenhiaal piny ku lueel, “Raan piöoc path yeñö ba looi ba pir akölrüec ebën yök?”

<sup>18</sup> Go Jethu thiëc, “Yeñö yin ye lueel lon yen apath? Acin raan path, ee Nhialic ë rot yen apath. <sup>19</sup> Yin anic lööñ Nhialic, ‘Duk raan näk, duk tiñ raan det kor, duk kuëñ wet lueth, duk cuëer, thek wuur ke moor.’ ”

<sup>20</sup> Go beer, “Raan piöoc, löönkä aaya theek tewäär koor yen agut cit emën.” <sup>21</sup> Go Jethu dot apej, ku nhiëer ku lueel, “Ee tök yen akec looi, löor yaac käkku wei ebën ku gam wëeu tënë koc ñöñ, yin abi jieek la yök pan Nhialic, ku bäär buoθh ya.” <sup>22</sup> Wën piñ yen wet kënë, ke meen ku jiël ke cī puöu dak, rin ë la käjuëc apej.

<sup>23</sup> Go Jethu yenhom wel kacken ye buoθh ku lek ke, “Abi yic riel tënë ajieek bik la bäany Nhialic yic.”

<sup>24</sup> Go kacken ye buoθh gai ë wëlkä. Go Jethu ben ber yic tënë ke, “Miethkie, yeñö ril yen këya bi raan la bäany Nhialic yic! <sup>25</sup> Apuol yic bi thöröl bak with cök, tënë te bi raan ajak la bäany Nhialic yic.”

<sup>26</sup> Gokë not ke gai apej, ku thiëckë, “Na ye këya, ke yeña bi la pan Nhialic?”

<sup>27</sup> Go Jethu ke dot ku bëer, “Acii raan bi löu ë rot, bi gam te këc Nhialic ye kony, rin Nhialic ë këriëc ebën löu, acin kë dhal ye.”

<sup>28</sup> Go Piter rot jot ku lueel, “Na yo, yok koc cī kakkua ebën nyään piny ku buoθhku yi?”

<sup>29</sup> Go Jethu beer, “Ee yic, ku alek we, kuat raan cī panden nyään wei kek paan ë man ku nyierakën, ku wun ku man ku miethke ku kacke ebën ë rienkie, ku rin wet Nhialic, <sup>30</sup> cii käjuëc bi yök pan Nhialic. Abi beei juëc ku wämäthakën ku nyierakën ku marakën juëc, ku mith ku dum, ku kuöc ciëñ bi ye kuöc ciëñ aabi yök aya arak buoθ. Käkka aabi yök pinynhom ë ten, ku abi pir akölrüec ebën yök aköldä. <sup>31</sup> Ku koc juëc tö tueñ emën aabi döñ ciëñ, ku koc kök juëc tö ciëñ aabi la tueñ.”

### Jethu ajam ë Thuonde kën yic diäk

(Mt 20:17-19; Lk 18:31-34)

<sup>32</sup> Nayon aköl det Jethu kek kacken ye buoθh, ku koc kök aake kuany dhël yic, ke la Jeruthalem. Ku Jethu ë tö tueñ ku buoθh kacken ye buoθh ke cī nhüm mum. Ku koc awën biöth, ke cī riöc. Go Jethu atuöcke kathiäär ku rou ben caal teden röt, ku lek ke kë bi rot la looi tënë ye. <sup>33</sup> Ku lek ke, “Emën, yok aala Jeruthalem te bi Manh Raan la dom ku yeth bäny Itharel nhüm, ku koc piöoc ë lööñ. Ku abik tem thou, ku thönkë benyjaknhom Roma mac baai bi la nöc. <sup>34</sup> Ku abik läät ku buikë, ku nuutkë ku thatkë, ku näkkë, ku na ye nin kadiäk cök, ka bi pir ku jot rot ran yic.”

### Käk wic Jemith ku Joon

(Mt 20:2-28)

<sup>35</sup> Nayon thëei ke Jemith ku Joon weet Dhubedi bö tënë Jethu, ku luelkë tënë ye, “Raan piöoc, awicku ba yo luöi kë buk thiëc tënë yi.”

<sup>36</sup> Go Jethu ke thiëc, “Yeñö wieckë ba looi tënë we?” <sup>37</sup> Gokë dhuk ëlä, “Te nyuc yin thönydu nom dieekdu yic nhial, ke yi col yo aa nyuc kek yi, raan tök löñ cuëc, ku raan det löñ cam.”

<sup>38</sup> Go Jethu lek ke, “Wek aa kuc kë thiëckë, yen abi ban apej ë ninkä ku yen abi nöc. Leukë bak gum cimëndie?”

<sup>39</sup> Gokë beer, “Alëuku.” Go Jethu lek ke, “Na cökke we nöc ayic, ka leukë bak gum, <sup>40</sup> ku acie yen la riel ba raan nyuc köñdien cuëc ku köñdien cam kuany, ee Nhialic yen abi ke yiëk kacken cī guiër ke.”

<sup>41</sup> Nawën le atuuc kök kathiäär piñ, ke riääk puõth tēnē Jemith ku Joon. <sup>42</sup> Go Jethu ke cōol ēbēn ku lueel, “Añieckē lōn kōc cī gam bik aa bāny kōc cie kōc Itharel aala riel kōc nhīim, ku aciī path bāk ciet ke. <sup>43</sup> Ku kēnē aciī rot bī looi kamkun. Raan wīc ye bī ya raandīt kamkun adhil rot dhuōk piny bī ya luui rin kōc kök. <sup>44</sup> Ku na ye raan wīc ye bī ya beny kōc nhīim, ka dhil ya aluañ kōc ēbēn. <sup>45</sup> Cīmēn Manh Raan aya akēc ben bī kōc ben loony, aci ben bī kōc ben kony, ku gem weike bī kōc juēc waar thou yic.”

Jethu akony cōor bī daai

(Mt 20:29-34; Lk 18:35-43)

<sup>46</sup> Go Jethu kek kōcken ye buōoth, ku kōc juēc kök yet gen Jeriko. Kaam wēn jiēl kek geeu, ke mony cōor ē kōc lim, cōl Timawuth ē reer dhēl you ke lim. <sup>47</sup> Nawën piñ lōn cī Jethu raan pan Nadharet yēēt, ke cōt rōl dīt, “Beny Jethu yīn aṇääth apei. Yīn ē wēn Debit cī Nhialic tooc. Kony ya.”

<sup>48</sup> Go kōc kök rēl ku yōökkē bī biet, go ṇot kiu apei, “Wēn Debit kony ya.”

<sup>49</sup> Go Jethu kōc ku lueel, “Cōōlkē.” Gokē cōol, “Jōt rot, yīn aye beny cōol.”

<sup>50</sup> Go rot puur abā alanhden acuat lööny wei yekōu ku riñ tēnē Jethu.

<sup>51</sup> Go Jethu thiēc, “Yeṇō wīc ba looi tēnē yī?” Go cōor lueel, “Bānydie, awiēc ba ben daai.”

<sup>52</sup> Go Jethu lek ye, “Lōor, gamdu aci cōl apuol.” Go daai nyin yic, ku buōoth Jethu.

Jethu aci la Jeruthalem ke ciēm yai

(Mt 21:1-11; Lk 19:28-40; Jn 12:12-19)

**11** <sup>1</sup> Nawën nin kök cōk ciēen, ke Jethu kek kōcken ye buōoth la Jeruthalem. Ku tewën cī kek thiōk kek Bethpeec ku Bethanī, tethiääk kek gōn Olip, ke Jethu tooc kōcken ye buōoth karou tueñ, <sup>2</sup> ku lēk ke, “Lak bēei tō tueñ yiic ku tē yet wek, ke wek aabī akaja cīn raan cī kañ cath ye yōk ke mac. Luonykē ku bēeikē. <sup>3</sup> Na le raan thiēc we, ke luēlkē, awic Bānyda, ku abī dhuk ēmēn thiin.”

<sup>4</sup> Gokē la ku yōkkē manh akaja ke mac yōt thok, dhēl you. Tewën lony kek ye, <sup>5</sup> go kōc ke kääc tethiōk ke thiēc, “Yeṇō luōikē, lony wek manh akaja?” <sup>6</sup> Gokē lek ke cīt tewën cī Jethu ke than thīn. Go pāl ke ku jiēlkē. <sup>7</sup> Gokē manh akaja yāth tēnē Jethu ku kumkē kōu alāthken, ku nyuc Jethu yekōu. <sup>8</sup> Kōc juēc aacā alāthken thieth dhēl yic, ku kōc kök aacā ayōr tiim dhoñ dum yiic, ku thiethkē ke dhēl yic aya.

<sup>9</sup> Go kōc ke tō yenhom tueñ, ku kōc ke buōth Jethu, yai looi ku yekē wak ēlä,

“Lecku Nhialic! Beny dōc raan bö ē rienku,

<sup>10</sup> Nhialic dōc bāany wāda Debit bö! Lecku Nhialic!”

<sup>11</sup> Ku jōl la Jeruthalem ku bek luañ Nhialic ku ciēth kēriēc ēbēn. Nawën cī piny guō cuol, ke dhuk Bethanī kek atuōōcke kathiäär ku rou.

Jethu aci tim wak bī riau

(Mt 21:18-19)

<sup>12</sup> Nayōn nhiäk, tewën jiēl kek Bethanī, Jethu ē nek cōk. <sup>13</sup> Nawën ke tiñ tim cīt ṇaap ke cī nhom thiāñ ayōr, go la cōl bī yōk ke cī luok. Nawën le yet ke yōk ke ayōr kepec, rin tēden ye yen luok aṇoot. <sup>14</sup> Go Jethu lueel, “Acīn raan kōñ miethku ben cam lanayōn.” Ku wet kēnē ēcī kōcken ye buōoth piñ.

Jethu aci la luañ Nhialic

(Mt 21:12-17; Lk 19:45-48; Jn 2:13-22)

<sup>15</sup> Nawën lek yet Jeruthalem, ke Jethu la luañ Nhialic, ku cop kōc kāñ yaac ayeer kal luañ Nhialic yic. Ku wel agen kōc war wēu yiic, ku thōc kōc yōc wei ē kuōr.

<sup>16</sup> Ku cī kuat raan la kē muk pāl bī ret luañ Nhialic lööm.

<sup>17</sup> Ku jōl kōc piōc, “Acī gōt ēlä athōr theer wēl Nhialic yiic, ‘Luañdie aci looi bī ya ten ye kōc wuōt ēbēn rōok thīn, ku yeen acāk wel bī ya luañ cuer.’ ”

<sup>18</sup> Wet kēnē aci kōc kāk Nhialic ku kōc piōc lööñ piñ ku wickē dhēl nek kek ye. Ku keek aake cī riōc Jethu rin cī kōc ēbēn puōth miet piōcde yic.

<sup>19</sup> Nawën la thēi ben, ke Jethu kek atuōōcke jiēl geeu.

## Atuuc Jethu aaci tim wäär tiñ ke ci riau

(Mt 21:20-22)

<sup>20</sup>Nayon nhiäk deet, tewën kueny kek dhël yic, ke ke tiñ tim cit ñaap wäär ci Jethu wak ke ci riau. <sup>21</sup>Go Pïter këwäär ci Jethu lueel tak ku lueel, “Raan piöc tiñ tim wäär ca wak aci riau.”

<sup>22</sup>Go Jethu beer, “Gamkë Nhialic. <sup>23</sup>Wek alek yic, na le raan yöök gön kënë, cuat rot wïir, ku ci diu ku gem lon bi kë ci lueel rot looi, ka tiñ rot. <sup>24</sup>Këya, alek we, kuat kë thiëc te röök yin, gam lon bi yin ye yök, ku kë wic aba yök. <sup>25</sup>Ku te röök yin, ke yi pel wet piny tënë raan det, rin bi Nhialic adumuöömku päl piny aya. [<sup>26</sup>Na cii wet ye päl piny tënë koc kök, ke Nhialic acii awäcdu pel piny.]”

## Bäny Itharel aa riel Jethu yöñ yic

(Mt 21:23-27; Lk 20:1-8)

<sup>27</sup>Gokë ben dhuk Jeruthalem, ku tewën cieth Jethu kal luan Nhialic yic, ke bänydit käk Nhialic ku koc piöc ë löñ ku jöl aa kocdit baai, bö tënë ye. <sup>28</sup>Ku thiëckë ëlä, “Ee yin ye riel nö tö yiguöp ye yin luui këlä? Ku yeña yik yi ë riel kënë ba keek aa looi?”

<sup>29</sup>Go Jethu beer tënë ke, “Wek aba thiëc wet kënë aya, na beer kë, ke wek aba lek raan cä yiëk riel ye yen kakkä looi.” <sup>30</sup>Lëkkë ya, “Joon raan koc muöc nhïim, yök riel yen koc gam lökwëi tënë Nhialic, aye rielde ë rot?”

<sup>31</sup>Gokë guëek yic kamken ku luelkë, “Na luelku, ‘Ke yök tënë Nhialic,’ Ka thiëc, ‘Aye nö këc wek wetde gam?’ <sup>32</sup>Ku na luelku, ‘Ke rielde ë rot,’ ke yök aa jöny keek rin ci raan ëbën ye gam.” <sup>33</sup>Gokë dhuök Jethu, “Akucku.”

Go Jethu lek ke, “Na ye këya, ke wek aacä lëk riel ye yen kakkä looi.”

## Jethu aci jam ë waal bi rëec bäny nyuöth

(Mt 21:33-46; Lk 20:9-19)

**12**<sup>1</sup>Nawën ke Jethu jam waal tënë koc man ye ëlä, “Monytui ëci dom looi ku cum yic tiim ë luok ku rok. Ku looi ten ye mïth tim guör thïn bik ya möu. Ku wec kät piny. Ku jöl dom riöp yic koc kök, ku le keny wun det. <sup>2</sup>Nawën le te ci tiim luok thöñ, ke tooc aluonyde tënë ke bik la gam abäkke. <sup>3</sup>Gokë alony dom ku thatkë ku copkë ciëen yecin. <sup>4</sup>Go raan la dom alony det ben tooc, gokë yup nhom, ku banjë apei. <sup>5</sup>Go alony det ben tooc, gokë nök, ku jolkë aloony kök aa that ku näkkë aloony kök. <sup>6</sup>Ku ë manhde yen ëci jal döñ bi ben tooc. Go jäl tooc ku lueel, ‘Anjic abik la theek,’ <sup>7</sup>Go koc awën ci riöp dom yic lueel ë kamken, ‘Kënë ë manh raan la dom, bi kån lök thon aköldä. Bäk näkku ku kakkä aabi döñ kek yo!’ <sup>8</sup>Gokë dom ku näkkë ku cuetkë guäpde wei.”

<sup>9</sup>Ku jöl Jethu ke thiëc, “Yeñö bi raan la dom looi? Abi ben ku nek koc awën ci riöp dom yic. Ku riöp dom yic koc kök. <sup>10</sup>Keckë wet ci göt athör theer wël Nhialic yic kënë kan kuen?”

‘Mën wäär yen ci atëet kuec, yen aci ben a mën ril apei.

<sup>11</sup>Kënë ë ye luoi Beny, ayeku tiñ ke path ku dhëñ yonyin!’ ”

<sup>12</sup>Go bäny Itharel puöth dak ku wickë bik dom, rin acik ñic lon jieem Jethu ë rienken. Ku rin riöc kek koc juëc tö thïn, gokë puöl ku jielkë.

## Jethu awic bi wëñ wet ajuër

(Mt 22:15-22; Lk 20:20-26)

<sup>13</sup>Go koc ke man Jethu, Parathi kök, ku koc Antipäth Yërot tuöc tënë ye bik la wëñ, bi wet rac lueel.

<sup>14</sup>Ku bik ku luelkë tënë ye, “Raan piöc, anjicku yin ë jam yith. Yin acie dieer käk ye koc kök tak. Ku yin acie dietden ye kuec nhom. Ku yin ë koc piöc bik käk wic Nhialic looi dhël la cök. Lek yo na ye täktäku, buk ajuër dhiel aa gam, yök koc Itharel tënë Cither Benyñaknhom, kua cuk bi gam ye?”

<sup>15</sup>Ku Jethu ëci ruënyden ñic, ku bëer, “Yeñö wic wek ye bäk ya deep ë wet? Bëikë ë wënh kënë ba tiñ.”

<sup>16</sup>Gokë jal yiëk wëeth. Goke thiëc, “Ye nhom ña, ku ye rin ña kakkä ci giet wëeth köu?” Gokë beer, “Aa käk Cither Benyñaknhom.” <sup>17</sup>Go Jethu lek ke, “Gämke Cither Benyñaknhom këde, ku gämke Nhialic këde.” Gokë puöth dak rin ci Jethu ruënyden ñic.

## Nhialic abī kōc cī thou cōl aa ben pīr

(Mt 22:23-33; Lk 20:27-40)

<sup>18</sup> Nawën ke kōc kōk akut Thaduthī. Akut cīi ye ye gam lōn bī Nhialic kōc cī thou ben cōl apīr, bō tēnē Jethu ku thiēckē ēlā, <sup>19</sup> “Raan piöoc, Mothith acī lōṅ gōt ēlā tēnē ḡo, ‘Na thou wāmēnh ē raan, ku nyiēēṅ tik piny ke cīn mīth, ke wāmēnh koor ala ḡōt tik bī mīth dhiēēth ḡōn menhē.’ <sup>20</sup> Na thōōṅku lōn tō mīth tik thīn kadhorou. Ku thiēk wēn dīt ku thou ke cīn mīth. <sup>21</sup> Go wēn buoth ye la ḡōt tik ku thou aya ke cīn mīth cī dhiēēth. Ku loi kēnē rot aya tēnē menh ye kek diāk. <sup>22</sup> Ku looi rot kēya tēnē wāmāthakēn kōk, keek ēbēn kadhorou acīn mīth cīk nyāāṅ piny. <sup>23</sup> Ku lek tueṅ ku thiēckē, tē le kōc cī thou rōt ḡōt akōldā, bī ya tīṅ ṅa rin cī yen rēer ke ke ēbēn kadhorou?”

<sup>24</sup> Go Jethu beer, “Wek aa kōc ril nhīim cīn kē ṅieckē, rin cīi wek wēl cī ḡōt athōr theer wēl Nhialic yic ye gam. Ku acāk ye gam aya lōn bī Nhialic kē ye lueel ka bī looi, lēu bī looi. <sup>25</sup> Rin tē le kōc cī thou rōt ḡōt, aacīi bī thiēek ku aacīi bī thiaak, aabī rēer kecīt atuuc nhial. <sup>26</sup> Ku na ye rin wet bī kōc cī thou rōt ḡōt, ke we kēc athōr cī Mothith ḡōt kueen rin bun dēp, tewāār cī Nhialic jam tēnē ye ēlā, ‘Yen ē Nhialic Abaram, ku Ithāk ku Jakop.’ <sup>27</sup> Kōc cī thou ke ṅic Nhialic aa pīr alanden. Yeen ee Nhialic kōc pīr, ku kōc cī thou aya. Acāk wuöoc!”

## Lōṅ ril lēu bī theek kam ē löōṅ

(Mt 22:34-40; Lk 10:25-28)

<sup>28</sup> Raan piöoc löōṅ kōc Itharel ē tō thīn tewēn teer Jethu wēl kek Thaduthī. Na le tīṅ ke Jethu ye welken ṅiec beer, go ben tēnē ye ku thiēec, “Ye lōṅ nen yen ril apei kam löōṅ?”

<sup>29</sup> Go Jethu beer, lōṅ ril akīn, “Pieṅkē kōc Itharel, Bānyda ē Nhialic ku ee tōk. <sup>30</sup> Nhiar Beny, Nhialicdu puöu ēbēn, ku wēiku ēbēn, ku nhiamdu ēbēn, ku riēldu ēbēn. <sup>31</sup> Lōṅ det ril ye kek rou akīn, yīn adhīl raan det nhiaar cīmēn nhiēer yīn rot. Acīn lōṅ det ril apei wār ē löōṅkā karou.”

<sup>32</sup> Go raan piöoc ē löōṅ lueel tēnē Jethu, “Ee yic raan piöoc cīt te ca luel ye, acīn Nhialic det, Nhialic ē tōk. <sup>33</sup> Ku raan adhīl Nhialic nhiaar piānde ēbēn, ku nhiamde ēbēn, ku rielde ēbēn. Ku adhīl raan det nhiaar cīmēn nhiēer yen rot. Löōṅkā karou kek adhīl ē theek, ten tē bī Nhialic nāk ḡōk ku dor ē yīk nhīim.”

<sup>34</sup> Wēn tīṅ Jethu ye ke cī beer apath, go lek ye, “Yīn acī mec kek bāāny Nhialic.” Ku teen acīn raan kam kōc man Jethu cie ben thiēec.

## Jethu acī kōc piöoc lōn yen raan ē tooc Nhialic

(Mt 22:41-46; Lk 20:41-44)

<sup>35</sup> Tewēn piöoc Jethu luanṅ Nhialic, ke lueel, “Aṅieckē lōn ye kōc piöoc ē löōṅ kōc Itharel ye lueel lōn Raan cī lōc ku dōc, abī ya raan dhiēnh Debit? <sup>36</sup> Debit ḡōp ēcī Wēi Nhialic ḡōk bī lueel ēlā,

‘Acī Nhialic lueel tēnē Bānydie, “Nyuc ē ten kōṅdien cuēc, ḡet tē bī yen kōc aterdu dhuök ciēēn yīcōk.”’

<sup>37</sup> “Ye kēdē ye Raan cī lōc ku dōc manh Debit, ku yeen aye Debit cōl ‘Bānydie?’ ”

## Jethu alēk kōc bik rōt tiit kōc ḡet löōṅ Itharel

(Mt 23:1-36; Lk 20:45-47)

Ku kōc juēc awēn cī wet Jethu piṅ aacī puōth miet. <sup>38</sup> Tewēn piöoc yen ke ke lueel, “Tietkē rōt, ku duökkē kōc piöoc löōṅ kōc Itharel ye kieet. Kōc cath kek alethken dīt bār, rōt teem ḡōn ḡōc yīc bī ke aa muöōth atheek. <sup>39</sup> Ayekē nhiaar bik nyuc tueṅ thōc kōcdīt ten amat, ku ḡōn path akōl yai, <sup>40</sup> ku keek aa kāk lēer tuöör nyīn, ku röökkē apei bik kōc wēṅ lōn puōth kek. Kōckā, aabī tem awuöcdīt tet ape!”

## Ajuēr lēer

(Lk 21:1-4)

<sup>41</sup> Tewēn cī Jethu nyuc tē ye wēēu juaar thīn luanṅ Nhialic, ke dōt kōc juēc wēēu cuat kēnē ajuēr yic. Ku kōc juēc ajieek aake cī wēēu juēc ya tāāu thīn. <sup>42</sup> Nawën ke lēer aṅāṅ bō ku cuet wēēu reen lik thīn. <sup>43</sup> Go Jethu lueel tēnē kōcken ye buöōth ēlā, “Wek alek yic, lēer kēnē acī Nhialic kēden cī juaar nhiaar tēnē kōc kōk ēbēn. <sup>44</sup> Rin keek aa cīk juaar wēēuken juēc yīc, ku yen aṅāṅē, acī kēnē bī yen pīr dhuol thīn ēbēn.”



## Luanj Nhialic Jeruthalem abi thuör piny

(Mt 24:1-2; Lk 21:5-6)

**13** <sup>1</sup>Tewën jiël Jethu luanj Nhialic, ke lueel raanden tönj ye buoöth tēnē ye, “Raan piöoc, tiñ, ye luanjdit dhēēñ nō kēnē!”

<sup>2</sup>Go Jethu beer, “Yöötdit dhēñ ye tiñkä, aabi thuör piny ebēn, ka cīn alēl tönj bi köoc alēl det nhom.”

Acī Jethu lēk atuöocke lōn bi ke maan

(Mt 24:3-14; Lk 21:7-19)

<sup>3</sup>Tewën rēer Jethu gōn Olip nhom, ke cī yēnhom wēl luanj ē Nhialic, ke thiēec Pīter ku Jemith ku Joon ku Andria wēn rēer kek ē röt. <sup>4</sup>“Lēk yo, ye nēn bi kēnē rot looi? Ku yeñō bi ye nyuoöth lōn cī ten bi kākā röt looi thiök?”

<sup>5</sup>Go Jethu lēk ke, “Tiēerkē nhīim ku duökkē röt cōl aduōñ. <sup>6</sup>Kōc juēc aabi ben ē rienkie, ku ye ñek lueel, ‘Ke yēn Raan cī lōc ku dōc,’ ku aabi kōc juēc duōñ. <sup>7</sup>Tē tiñ wēk tōñ ke loī röt aköldā, bi dhiēeth ayī kōc wuōn tōk röt nōk, ke duökkē diēer, kākā adhil röt looi. Ku kārēc kōk aabi röt looi aya, ku acie lōn cī thōk ē piny ben. <sup>8</sup>Rin kōc paan tōk aabi kēnhīim tuōm ku thērkē, ku wuōt aabi thōr kamken. Ayiēkyiēek piny juēc aabi röt looi beei juēc yiic. Ku cōñdit apeī abi tōu thīn. Kākā kek aa kāk tuēñ.”

<sup>9-10</sup>Ku lēk Jethu atuöocke, “Wēt Nhialic abi kañ lēk kōc ē pinyhom ebēn, ke thōk ē piny kēc ben. Muökkē wenhīim bāk puōth riel kārēc bi we yōk yiic. Wēk aabi köoc bāny nhīim ē rienkie bāk ke lēk Wēt Puōth Yam. <sup>11</sup>Ku tē dōm we ku yēth we luk yic, duökkē diēer tē bi wēk la jiēm thīn. Lak tuēñ ke we piöoc wēdie pinyhom ebēn rin acie wēk jam, ee Wēi Nhialic.” <sup>12</sup>Ku ben Jethu lueel, “Raan kek wāmēnh aabi röt aa gaany bik röt cōl anak. Ku wārken mīth aabi miethken luōm, ku mīth aabi kōc ke dhiēth ke luōm bi ke cōl aa nāk aya. <sup>13</sup>Kōc ebēn aabi we maan rienkie. Ku raan bi ye puōu dēet agut tē bi yēn thou, abi pīr akōlriēec ebēn.”

Kēreec bi rot looi tēnē kōc Jeruthalem

(Mt 24:15-28; Lk 21:20-24)

<sup>14</sup>Piēnkē alēk we aya, “Ala akōl bi wēk kērac apeī tiñ. (Raan kuēn adhil wēt kēnē dēet yic.) Na rēer Judia ku tiñ ē kēnē, ke yīn adhil riñ gat nhīim roor ba la thiaan.

<sup>15-16</sup>“Ku raan tō dom yic acīi ben dhuk baai bā alanhde la lööm. Ku raan rēer ayeer, acīi ben la yōt bi la guik kē nyiēei. <sup>17</sup>Diäär liēc ku diäär muk mīthkor aabi gum apeidit ye nīnkā. <sup>18</sup>Röökkē bi röt cīi loī wiir yic rut. <sup>19</sup>Kōc aabi gum apeī ye nīnkā, gum kēc kē kañ yōk tēwäär cēk Nhialic kōc agut cīt ēmēn. Ku acīi rot bi ben looi. <sup>20</sup>Na kēc Beny looi bi nīnkā cōl alik, ñuōt acīn raan cī pīr. Ku rin kōcken cī kuany, acī nīn cōl alik.

<sup>21</sup>“Wēk alēk kēnē, ‘Na le raan yōök we tiēnkē Raan cī lōc ku dōc kīn,’ tēdē ke lueel, ‘Tiēnkē yēn akan!’ Ke duökkē gam. <sup>22</sup>Rin kōc juēc abi ben ku lueel ñek, ee yēn Raan cī lōc ku dōc, ku lueel raan det ē yēn raan kāk Nhialic tiñ, ku looi kārīl apeī kōc göi. Ku märkē kōc kōk cī Nhialic kuany, tē lēu kek ye. <sup>23</sup>Tietkē röt, kēriēec ebēn alēk we ēmēn bāk wenhīim tiit kāk bi ben!

Akōl bi Manh Raan ben

(Mt 24:29-31; Lk 21:25-28)

<sup>24</sup>“Awiēc ku bāk ñic aya, ye nīnkā, tē cī kōc jal gum apeī, akōl abi kum nyin bi piny cuōl, ku pēei acīi bi ruel. <sup>25</sup>Kuel aabi röt yāäk ku löönykē. <sup>26</sup>Ku Manh Raan abi tiñ ke bö pial yiic kek diik ku riēdit apeī. <sup>27</sup>Ku yēn abā atuuc nhial tooc bik kōcken cī lōc kuōt yiic pinyhom ebēn.

<sup>28</sup>“Ñiēckē ē kēnē tim cīt ñaap, tē looi yēn yōök ku looi yīth, ke kēr acī thiök. <sup>29</sup>Kēya, tē tiñ wēk kākā ke loī röt, ke ñiēckē lōn cī yēn thiök apeī. <sup>30</sup>Alēk we, wēk aacīi bi mää tē cōk kākā röt looi. <sup>31</sup>Nhial ku piny aabi liu, ku wēdie acīi bi kañ mää.

Rēer yī cī rot guiir

(Mt 24:36-44)

<sup>32</sup>“Acīn raan ñic akōl bi kākā röt looi. Na cōk atuuc nhial, ayī Wēnde, ka cīk ñic, ē Wā rot yēn añic ye. <sup>33</sup>Rēerkē we cī röt guiir rin wēk akuc akōl bi kēnē rot looi. <sup>34</sup>Kēnē, acīt kēnē rot looi tēnē raan la kēny, ku

nyieñ aluonyke baai, ñek ke luoidé. Ku lëk raan cì nyiääñ baai thok bī rëer ke tit akölaköl. <sup>35</sup> Këya, wek adhil rëer we tit aya, rin acäk ñic yen te bī Bánydun ben thīn, lön bī yen ben thëi, ku lön bī yen ben weer ciel yic, ku lön yen dhiën thon ajith, ku lön yen nhiäknhiäk ë rial. <sup>36</sup> Na guo ben, ke we cä yök we nin. <sup>37</sup> Kë ya lek we, alek koc ëbën. Rëerkë we tit, ke we tir nhiim!”

Amat nek Jethu

(Mt 26:1-5; Lk 22:1-2; Jn 11:45-53)

**14** <sup>1</sup> Nin karou Yan Ayum cīn yic luou nhom tueñ, kocdit kāk Nhialic ku koc piöoc löön aake wic te bī kek Jethu deep thīn, bīk dōm ke kuc ku näkkë.

<sup>2</sup> Ku luelkë, “Acuk dōm aköl yai, yok aabi tiit bī koc juëc kañ jäl, rin na dōmku ku näkku, ke koc ñoot yai yic, tedë ke koc juëc aa thär kek yo.”

Maria aci te theek yen Jethu thīn nyuöoth

(Mt 26:6-13; Jn 12:1-8)

<sup>3</sup> Ku tewën rëer Jethu Bethanī pan raan atuet col Thaimon, tewën mīth yen, ke tik bö kek tōny koor cī cuëec ë tiom ril la yic miök ñir col naar, ye yoc wëu juëc apei. Ku kuem thok ku luuñ miök Jethu nhom ëbën. <sup>4</sup> Go koc kōk ke rëer thīn puöth dak ku jiemkë kamken. “Yenjö tuuk yen miök ñir? <sup>5</sup> Miök ñir kënë ñuöt aci yaac wëu juëc wär wëu ye dōm raan ë ruöñ tök, ku yik wëu koc ñōñ.” Ku nyienykë tik apei.

<sup>6</sup> Go Jethu lueel, “Pälkë, yenjö nyieeny wek ye? Acī këpath looi tënë ya. <sup>7</sup> Rin koc ñōñ aabi rëer kek we akölaköl. Ku na wieckë bāk ke kony ka luikë. Ku yen aci bī rëer kek we akölaköl. <sup>8</sup> Tiñ kënë, aci kë lëu bī looi tënë ya looi. Acī ben bā ben tōc bī guäpdie guir bī jal thiök. <sup>9</sup> Wek alek yic, kuant te bī Wet Puoth Yam piöoc thīn pinynhom, kë cī tiñ kënë looi, abi ya lueel bī ye a tak.”

Judath aci Jethu yaac

(Mt 26:14-16; Lk 22:3-6)

<sup>10</sup> Nawën ke Judath, raan tōñ atuuc kathiäär ku rou, la tënë kocdit kāk Nhialic bī Jethu la luom tënë ke. <sup>11</sup> Gokë puöth miet apei wën piñ kek wetde, ku thōnkë lön bī kek ye gām wëu juëc. Ku jol te bī yen Jethu dōm thīn wic.

Jethu aci miëth yai cam kek atuöocke

(Mt 26:17-25; Lk 22:7-14, 21-23; Jn 15:21-50)

<sup>12</sup> Nawën aköl tueñ Yandit Ayum cīn yic luou, nek amel rin yai, ke Jethu thiëec kocken ye buöoth ëlä, “Ye tenen wic yin yo buk miëth yai la guir thīn?”

<sup>13</sup> Go Jethu kocken ye buöoth tooc karou ku lëk ke, “Lak geeu Jeruthalem, ku wek abi rōm kek raan yeeec tööny piu, biaathkë, <sup>14</sup> pan le yen thīn, ku lekkë raan la baai. Aye Raan piöoc lueel, ‘Ye yon nen bī yen miëth yai cam thīn yok kockien ya buöoth?’ <sup>15</sup> Ku abi we nyuöth yon nhial läau yic cī guir yic. Guierkë miëthda ë teen.”

<sup>16</sup> Go koc ye buöoth jäl ku lek geeu Jeruthalem, ku yökkë këriëec ëbën cit tewën cī Jethu ye lek ke thīn. Ku jolkë miëth yai guir.

<sup>17</sup> Nawën la thëi ben, ke Jethu bö kek atuöocke thiäär ku rou. <sup>18</sup> Tewën mīth kek, ke lueel Jethu, “Wek alek yic, raan tök kamkun abä luom ku ë raan mīth kek ya.”

<sup>19</sup> Gokë puöth riääk ku jolkë gäi ku thiëckë tök-tök, “Makei! Ye yic? Ye yen?” Ku riëëkkë puöth apei.

<sup>20</sup> Go Jethu beer, “Ee raan tök kamkun wathiäär ku rou, raan yecin rek aduök yic kek ya. <sup>21</sup> Ee yic, Manh Raan abi nöck cit te cī gät ye rienke athör theer wël Nhialic yiic. Ku raan bī ye luom abi gum apei. Ku anueen tënë ye diet këc cak dhiëeth.”

Guirku röt apath buk guöp Beny rōm

(Mt 26:26-30; Lk 22:14-20; 1Kor 11:23-25)

<sup>22</sup> Tewën mīth kek, ke Jethu löm ayup ku döc, ku beny yic ku gem ke ku lueel, “Lömkë kënë, ku camkë, kënë ee guäpdie.”

<sup>23</sup> Ku lööm aduñ cī thiäñ muñ abiëc, ku leec Nhialic ku gem ke, ku dëkkë thīn ëbën, <sup>24</sup> ku lueel tënë ke, “Kënë ë riemdie, riem ë döör kek Nhialic, bī kuër rin koc ëbën. <sup>25</sup> Alek we, yen aci bī ben dek muñ abiëc pinynhom ten kek we, yet aköl bī yok ye dek yodhie pan Nhialic.”

<sup>26</sup> Nawën cık jal thök ke ket waak, ku lek gön Olip cök.

Jethu aci kē bī Pīter ye jai lueel

(Mt 26:51-35; Lk 22:31-34; Jn 13:36-38)

<sup>27</sup> Ku lueel Jethu tēnē ke, “Wek kackie, wek aabī kat ya cīmēn kēwäär cī gōt athör theer wēl Nhialic yic ēlä, ‘Yen abā abiöök cöl anak ku amel abī weer.’” <sup>28</sup> Ku te cī yen jōt rañ yic, ke yen abī kañ la Galilia ba we la tiit thīn.”

<sup>29</sup> Go Pīter lueel tēnē ye, “Yen aciī bī kat te cök kōc ēbēn kat!”

<sup>30</sup> Go Jethu lueel tēnē ye, “Alək yī, ē weer kēnē, ke thōn ajīth kēc kiu rou, yīn abā jai arak diäk.”

<sup>31</sup> Go Pīter dhuök ye, “Na cök ya nök kek yī, ke yīn acā bī kañ jai.” Ku lueel atuuc kōk ēbēn kēya.

Jethu aröök ke ñic lōn bī ye nök

(Mt 26:36-46; Lk 22:39-46)

<sup>32</sup> Nawën ke Jethu kek kōcken ye buōth la te ye cöl Jethemani, ku lueel tēnē ke, “Nyuöökē ten ku yiēnkē, yen ala rōök.” <sup>33</sup> Ku cöl Pīter ku Jemith ku Joon bīk la kek ye. Ku jōl rēer ke nek atiēel, ku dhieeu apei yepuōu. <sup>34</sup> Ku lueel tēnē ke, “Yen adhiau puōu apei, ee thou guōp. Rēerkē ten ku yiēnkē.”

<sup>35</sup> Ku le tueñ tethin-nyōot, ku rēeny rot piny ku rōök ēlä, “Na lēu rot, ke kēreec tit ya aciī bö.” <sup>36</sup> Ku lueel, “Wā, yīn ē kēriēec ēbēn lēu, nyaai ē kēreec kēnē tēnē ya. Ku acie wet piändie ē wet piändu.”

<sup>37</sup> Nawën ke dhuk tēnē ke ku yökke ke nin.

Go lueel tēnē Pīter, “Thaimon, nienkē? Cäk yiēn tethin-nyōot?” <sup>38</sup> Ku lueel tēnē ke, “Yiēnkē ku rōökkē bī we cīi them jakrec. Puōu ē gam ku guōp acīn riel.”

<sup>39</sup> Ku ben jāl ku le rōök cīmēn awēn. <sup>40</sup> Go ben dhuk tēnē ke, ku ben ke yök ke nin, rin cī nin ke göök apei. Ku muumkē nhīim kē bīk lek ye, rin cī kek gup riöök.

<sup>41</sup> Nawën dhuk tēnē ke kēn ye kek diäk, ke thiēec ke, “Ñot we nin! Läänkē? Ñieckē lōn cī ten nin thök, tienkē Manh Raan aci luōm kōc rec. Ēmēn, te bī ye jāl thōn kōc rec aci yēet. <sup>42</sup> Raan cā luōm aci ben. Jatkē röt, lokku buk rōm.”

Jethu aci dōm

(Mt 26:47-56; Lk 22:47-53; Jn 18:3-12)

<sup>43</sup> Tewën ñot jieem yen, ke Judath raan ye kek thiäär ku rou bö ke cath kek kōc juēc muk paal ku atuel, ke cī kōcdit kāk Nhialic, ku kōc gät löōñ, ku kōcdit baai tooc. <sup>44</sup> Ku Judath ēci kōc awēn cath kek ye, lek te bī kek raan wickē bīk ben dōm ñieec thīn, ēlä, “Raan ba muōth ku ciēem yen ē raan wieckē, damkē ku kuathkē ku tietkē röt ē kacke apath.”

<sup>45</sup> Kaam wēn yēet Judath, ke la tēnē Jethu nyin yic ku lueel, “Beny.” Ku muōōth ke ciim. <sup>46</sup> Gokē dōm ku derkē. <sup>47</sup> Go raan tök kam kōc ye buōth wēn kääc thīn palde miēet bei ku tök alony lui pan raandit kāk Nhialic yic abī tēem wei <sup>48</sup> Go Jethu ke thiēec, “Cäk ben we muk atuel ku paal bāk ya ben dōm. Cäk tak lōn ye yen raan kōc rum? <sup>49</sup> Yen ē rēer ke we akōlaköl ya piōoc luañ Nhialic, ku wek aa kēc ya dōm. Ku kēnē aci rot looi ē rin bī kē cī gōt athör theer wēl Nhialic yiic yenhom tienñ.”

<sup>50</sup> Ku jōl kōcken ye buōth nyään piny ku ketkē. <sup>51</sup> Ku riēnythii det ceñ alanh acuat ē buōth Jethu. Nawën wic kōc awēn kuath Jethu bīk dōm, <sup>52</sup> ke nyiēēñ alath kecin ku ket kecin kē ceñ.

Jethu aci yāth luñ bāny Itharel yic

(Mt 26:5-68; Lk 22:54-55, 63-71; Jn 18:13-14, 19-24)

<sup>53</sup> Ku jōlkē Jethu yāth pan Kaipa luk yic, cī bāny kāk Nhialic ku kōc piōoc löōñ, ku kōcdit baai kenhīim mat thīn. <sup>54</sup> Ku Pīter ē biōth ke mec kōc cök ciēen agut te yeet yen luk yic. Ku nyuuc bī yōc aya tēwēn yōc kōc bāny tiit thīn. <sup>55</sup> Bāny kāk Nhialic aake cī nyuc bīk Jethu wic guōp awuōc cī looi, rin bī kek ye tem thou, ku acīn awuōc cīk yök. <sup>56</sup> Kōc juēc aake cī Jethu luōm ē lueth ku welken akēc rōm.

<sup>57</sup> Nawën ke kōc kōk jōt röt, ku lueelkē luenh kēnē Jethu guōp. <sup>58</sup> Acuk piñ ke lueel, “Yen abī luañ Nhialic cī raan looi kēnē thuñr piny, ku na ye aköl ye nin diäk, ke yen abī det buth nyiende, ke cie kēnē ē looi raan.”

<sup>59</sup> Agut ke aya aa kēc welken rōm.

<sup>60</sup> Go Kaipa rot jōt kenhīim ku thiēec Jethu, “Cīn kē dhuk nhom wēl cī lueel yiguōpkā yiic?”

<sup>61</sup> Go Jethu biet ku cīi jam. Go Kaipa ben thiēec, “Ye yök yīpuōu ye yīn Raan cī lōc ku dōc, Manh Nhialic yeku door?”

<sup>62</sup> Go Jethu beer, “Ee yen, ku wek aabi Manh Raan tiñ ke ci nyuc cuëny Nhialic ñic kãñ looi ëbën, ku bii ke pial nhial.”

<sup>63</sup> Go Kaipa aläthke ret yiic yeköu ku lueel, “Yeñö ñot wicku kóc kök bi ben jam käk ci looi. <sup>64</sup> Wek aci te toun yen Nhialic thin piñ. Yeñö yen wetdun?” Gokë mat yic kedhie bi dhiel nök.

<sup>65</sup> Ku jol kóc kök Jethu aa ñuööt. Ku derkë nyin ku guutkë kecin ku yöökkë, “Meek raan yi gut.” Ku dom apuruuk ku biekkë.

#### Piter ajei Jethu

(Mt 26:69-75; Lk 22:56-62; Jn 18:15-18, 25-27)

<sup>66-67</sup> Tewën rëer Piter piiny ke yöc mac, ke nyan lui pan Kaipa bö. Ku tewën tiñ yen Piter, ke dot apei ku lueel, “Yiin aya, yin yi rëer kek Jethu raan Nadharet.”

<sup>68</sup> Go jai, ku lueel, “Yen aci raandun ye lueel ñic dien. Ku kë ye lueel acä cak deet yic aya.” Ku ler ayeer. Ku kaam thin awën, ke thon ajith kiu.

<sup>69</sup> Go nyan awën tiñ ku ben lek kóc kääc thin, “Mony këne ë raanden.” <sup>70</sup> Go Piter ben jai. Ku kaam awën, ke lueel kóc ke kääc thin tene Piter, “Ee yic, yin ë raanden, rin yin ee raan Galilia.”

<sup>71</sup> Go Piter rot kuëñ, “Nhialic abä nök te ci yen yic luel. Yen akuc raan jieem wek ë rienke.”

<sup>72</sup> Nyin yic, tewën ye dhiën ajith yic rou beek piny, ke Piter tak këwäär ci Jethu lek ye, “Tueñ ke thon ajith këc kiu këne ye kek rou, ke yin abä jai arak diäk.” Ku wel yenhom wei kóc yiic ke ci guöp yär ku dhieeu.

#### Kóc Itharel aaci Jethu gaany tene Pilato

(Mt 27:1-2, 11-14; Lk 23:1-5; Jn 18:28-38)

**15** <sup>1</sup> Nayon nhiäk rial yic, ke kœdit käk Nhialic, ku kœdit baai ku kóc piöoc löön met te bik luöi Jethu. Gokë rek ku kuethkë tene beny Pilato.

<sup>2-3</sup> Kóc luk aake ci Jethu gaany lon ci yen käreç apei looi. Go Pilato thiëc, “Ye yin benyñaknhom kóc Itharel?” Go Jethu beer, “Ee yen, cit te ca luel ye.” <sup>4</sup> Go Pilato ben thiëc, “Ci këjuëc ci yi gaanykä ye beer, piñ kakkith yeke kuëen yiguöp.”

<sup>5</sup> Go Jethu biet ku ci wet Pilato bëer. Go Pilato gai.

#### Jethu aci tem thou

(Mt 27:15-26; Lk 23:13-25; Jn 18:39-19:16)

<sup>6</sup> Ruöön ëbën, aköl Yan Ayum cin yic luou, benyñaknhom ë raan tök kam kóc ci mac lony, te wic kóc baai ye bi lony. <sup>7</sup> Ke mony col Barabath ë mac, kek kóc ci kóc nök ke thär kek kóc mac baai. <sup>8</sup> Go kóc juëc apei la tene Pilato, ku thiëckë bi ke luöi kë ye looi aköl yai. <sup>9</sup> Go Pilato ke thiëc, “Wieckë ba Jethu benyñaknhom Itharel, lony tene we?” <sup>10</sup> Ee ñic lon yen tiel ku män meen kóc luk Jethu, yen aabi kek Jethu tene ye.

<sup>11</sup> Ku kóc ater Jethu aake ye kóc kuööt thook, bik lek Pilato bi ya Barabath yen lony. <sup>12</sup> Go Pilato ke thiëc, “Yeñö ba looi tene raan yakë cöl ke benyñaknhom kóc Itharel?”

<sup>13</sup> Gokë rek yic röldit, “Apiëet tim ci riü köu.”

<sup>14</sup> Go Pilato ke ben thiëc, “Yeñö? Ye awac ñö ci looi?” Gokë ben rek yic röldit apei, “Apiëet tim ci riü köu.”

<sup>15</sup> Go Pilato Barabath lony rin wic yen kóc bik puöth miet. Ku wën ci yen apuruuk yöök bik that ku ñakkë nhom ë kuöoth, ke gem ke bik la piäat tim ci riü köu.

#### Apuruuk aaci Jethu bui

(Mt 27:27-31; Jn 19:2-3)

<sup>16</sup> Go apuruuk Jethu kuaath ayeer pan beny. Ku colkë apuruukken kök bik röt mät ke. <sup>17</sup> Ku rukkë alanh mathiän Jethu köu. Ku jolkë ker la kuöoth riic yiic ku ñek kek yenhom. <sup>18</sup> Ku jolkë aa cöl, ku muöthkë ku buikë, “Mädho benyñaknhom Itharel.” <sup>19</sup> Ku yuupkë nhom wai, ku ñuutkë guöp, ku gutkë kenhiol piny bik nyuöoth ciet leckë. <sup>20</sup> Wën ci kek ye jal bui, ke ke bii alanh mathiän awën bei, ku dhukkë aläthke yeköu, ku kuathkë bik la piäat tim ci riü köu.

## Jethu aci piäät tim ci riiu köu

(Mt 27:32-44; Lk 23:26-43; Jn 19:17-27)

<sup>21</sup> Tewën ci tim ci riiu Jethu göök këtëkët, ke mony col Thaimon, raan pan Thirene, wun Alekdhänder ku Ruputh, ë bö baai ke kuany dhël yic ke la geeu. Go apuruuk dom riel bi tim ci riiu ket. <sup>22</sup> Ku yeetkë te col Golgotha, ku wetde yic, gon la nuen-nen cit apen nhom raan. <sup>23</sup> Ku gemkë Jethu muön abiëc ci liäap wäl kec col mir bi dek, go kuc ye. <sup>24</sup> Gokë jäl piäät tim ci riiu köu. Ku cuetkë gek bik aleth Jethu tek kamken. <sup>25</sup> Ee ye te cit lunyluny yök yen ë piëet kek ye tim ci riiu köu. <sup>26</sup> Ku jolkë awuöc yekë tak ke ci Jethu looi, göt nhial tim ci riiu köu ëlä, “[scBËNYŦAKNHOM ITHAREL.]d” <sup>27</sup> Ku piëetkë cuer karou kek Jethu tiim ci riiu kööth aya, raan tök lon cuëc ku raan tök lon cam.<sup>d</sup>

<sup>29</sup> Ku jol koc ke ye tääk tewën Jethu aa cuiit ku latkë ku luelkë, “Cie yin wäär ye luel lon bi yin luan Nhialic thuör piny ku buth nin kadiäk. <sup>30</sup> Na ye këya, yejö cii yin rot kony ku bär piny tim ci riiu köu!”

<sup>31</sup> Këya, ee ye koccken ater bui ku luelkë kamken. “Ee koc kök kony ku cii rot kony. <sup>32</sup> Raan ci loc ku doc ci Nhialic nhiaar ku yik riel, ci rot looi bi ya banyda, jol ben piny tim ci riiu köu emën, buk jäl tinj ku gamku!” Ku aci koc awën ci piäät tiim kööth cimënde aa bui ku lætkë aya.

## Jethu aci thou ayic

(Mt 27:45-56; Lk 23:44-49; Jn 19:28-30)

<sup>33</sup> Nawën aköl ciel yic ke muöth loi rot yet tään aköl pan awën, <sup>34</sup> Nawën tään aköl, ke Jethu cöt röl dit, [i“Eloi, Eloi, lama thabakthani?”]d Ku wetde yic, “Nhialicdie, Nhialicdie, yejö pel yin ya wei?”

<sup>35</sup> Nawën piñ koc kök ke kääc thün, ke luelkë, “Pieñkë acol Elija.” <sup>36</sup> Go raan tök kat ku lut alath muön wac yic. Ku tæu wai thok ku yök Jethu thok, ku luel, “Titku buk tinj lon bi Elija ben bi ben beei bei tim ci riiu köu!”

<sup>37</sup> Ku jol Jethu keñ apei, ku thou.

<sup>38</sup> Ku kaam wën ka alanh ye geeñ, bi luan Nhialic tek yic alonñthün reet yic ë rou, jock nhial yeet piny. <sup>39</sup> Go beny apuruuk tö thün luel wën tinj yen te ci Jethu thou thün, “Mony këne ë ye Manh Nhialic alanden!”

<sup>40-41</sup> Diäär aake tö thün, ku keek aake daai temec. Wäär rëer Jethu Galilia, ee ye diäärkä buöth bik miëth aa looi tënë ye. Ku diäär juëc kök ke cath kek ye, wäär le yen Jeruthalem aake tö thün aya. Kam ë diäärkä Maria Magdalena, ku Thalome, ku Maria man Jemith thii kek Jothep aake tö thün.

## Jethu aci thiök

(Mt 27:57-61; Lk 23:50-56; Jn 19:38-42)

<sup>42-43</sup> Wën col piny, bi aköl cii koc Itharel ye luui guo ben, ke Jothep raan gen Arimatheo bö. Ku ë ye raan kocdit luj Itharel, ku yeen aya ëci Wet Puöth Yam gam. Nawën le tinj lon ci Jethu thou, ke riil yenyin ku ler tënë Pilato, ku thiëc guöp Jethu bi la thiök. <sup>44</sup> Go Pilato gai lon nadë ke Jethu ci guo thou. Ku cöol beny apuruuk ku thiëc lon ci Jethu guo thou ayic. <sup>45</sup> Nawën piñ tënë beny apuruuk lon ci Jethu thou, go guäpde puöl bi Jothep nyaai. <sup>46</sup> Go Jothep koc tooc bik alanh yer la yöc, ku bii guöp Jethu piny tim köu, ku der alanh awën. Ku tæu rañ ci wec kuur yic. Ku loor alel dittet rañ thok. <sup>47</sup> Maria Magdalena ku Maria man Jothep aake daai, ku tinjke te ci ye thiök thün.

## Jethu aci rot jot rañ yic

(Mt 28:1-8; Lk 24:1-12; Jn 20:1-10)

**16** <sup>1</sup> Nayon thëei aköl cii koc Itharel ye luui, ke Maria Magdalena ku Thalome ku Maria man Jemith la miök nür yöc bi kek guöp Jethu la tuc.

<sup>2</sup> Nayon nhiäk rial, aköl Nhialic, abö aköl nyin ke la rañ nhom. <sup>3</sup> Wën noot kek dhël yic, aake röt thiëc, “Yeña ba aledit tö rañ thok la laar wei?” <sup>4</sup> Nawën jötkë kenyin ke tinj alel ke ci laar wei. <sup>5</sup> Gokë la rañ yic, ku tinjke riénythii ë kön cuëc ke reer ke ceñ alanh yer. Gokë gai apei.

<sup>6</sup> Go luel, “Duökkë gei, anjiec wek awic Jethu raan gen Nadharet wäär ci piäät tim ci riiu köu. Aliu ë ten, aci rot jot. Tieñkë tewäär ci kek ye tääu thün. <sup>7</sup> Lakkë ku lekkë koccken ye buöth ku Piter, lon yen Jethu aci la Galilia. Abäk la yök thün cimën wäär ci yen ye lek we.”

<sup>8</sup> Gokë la ayeer rañ yic ku këtëkë, ke leth, ke ci gai. Acin raan cik lek wet këne dhël yic, rin ci kek riöc.[

<sup>d</sup>15:27Athör kök theer wël Nhialic aa 15:28 mat thün ëlä, “Yeen aci nöc cimën koc karec looi.” Aci yenhom tieñ.

## Jethu aci rot nyuöth Maria Magdalena

(Mt 28:9-10; Jn 20:11-18)

<sup>9</sup> Wën cï Jethu rot jot ë rañ yic yon nhiäk rial aköl Nhialic, ke koñ rot nyuöth Maria Magdalena wäär cï yen jakrec kadhorou cuop wei yeguöp. <sup>10</sup> Go la ku lëk atuuc Jethu ke reer thuou yic ke dhiau, lon cï Jethu rot jot. <sup>11</sup> Nawën piñkë tënë ye lon cï Jethu ben pïr, ku aci tiñ, gokë cïi gam.

## Jethu aci rot nyuöth kacken ye buoöth karou

(Lk 24:13-35)

<sup>12</sup> Nawën ke Jethu nyuth rot atuöocke karou ke cï rot waan, tewën kueny kek baai yic. Ku cik ñic lon ye yen Jethu. <sup>13</sup> Gokë dhuk Jeruthalem nyin yic bik kacken la lek, ku akëc kacken gam.

## Jethu aci rot nyuöth kacken ye buoöth thiäär ku tök

(Mt 28:16-20; Lk 24:36-49; Jn 20:19-23)

<sup>14</sup> Nawën ke Jethu jol rot nyuöth tënë atuöocke kathiäär ku tök ke ke mith. Ku nyieeny ke rin këc kek gam, ku rin cï kek nhiim riel bik wet koc cï ye tiñ ke cï pïr, cïi gam. <sup>15</sup> Nayon aköl det ke lëk ke, “Lak pinynhom ku lekkë koc ëbën Wet Puoth Yam Nhialic. <sup>16</sup> Raan bi gam ku yök lökwëi, abi pïr akölrïëc ëbën, ku raan bi jai aci bi kony. <sup>17</sup> Koc cï gam abi yiëk riel këñë, aabi jakrec aa cuop wei ë rienkie, ku aabi jam thok kök. <sup>18</sup> Aabi kecin aa täau koc tuany nhiim, ku aabi pial. Na cökkë käpieny kuany, ku dekkë käk ë koc luaañ, kacin kë näk ke thin.”

## Jethu aci yäth pan Nhialic

(Lk 24:50-53; Lk 1:9-11)

<sup>19</sup> Nawën cï Jethu nin nök ke ke, ke yeth pan Nhialic ku nyuuc kön cuëc ë Nhialic. <sup>20</sup> Ku jol atuuc Jethu thiëi pinynhom ke ke lëk koc. Ku jol kækken jän göi yekë ke looi kenhïim aa tieñ, rin tö riel ë Nhialic ke ke.]<sup>e</sup>

<sup>e</sup>16:9-20 Athör theer juëc la cök ku koc theer ñic ke Marko 16:9-20 akëc mat thin.